

宜春縣志卷十

田賦志

戶口附

三壤則於禹貢九賦均自周官負版以登執鐸而令凡以正國課重民數也宜之賦稅困於歐祥繼以崇正丁丑康熙甲寅兵凶游加生齒消耗過半幸際

聖朝念切痛癢開國之初除汰浮糧加以續生人丁永不加賦又於合省均攤丁隨糧派民生其間食毛踐土感戴當何如也志田賦

科則

宋

光宗登極以月椿有敷額大重去處令臺諫侍從同戶部
 長貳詳悉措畫聞奏其年袁州減二萬五千緡 紹興
 十八年經界法行遂以人戶田畝分三等上等輸三千
 聽造酒十石中等二千造酒七石下等一千造酒三石
 隨秋夏稅送官自田二十畝而上無能免者袁州江西
 澗郡也其地西北與長沙接自初科月椿時漕臣韓球
 與郡守趙士瑗不叶所科偏重無所從出遂亦於麩引
 中取之每人戶稅錢一千則科二百文八十凡為錢五
 千四百餘緡 淳熙元年袁州自乾道新書行月椿始
 大不足戶部勘當欲權依紹興舊法許之四年張定叟

知袁州復奏江西始以稅額均月椿則一路皆輕而袁

州獨重今復麩引以補月椿則一路皆無而袁州獨有
 既未能減月椿之重而反增麩引之征非所以示公於
 天下趙子直為小漕會本州所賣麩引之人歲為三萬
 緡令本州與漕司各認其半而麩引遂罷獨湖南如故
 云余嘗論今之天下多有不可為之縣而未有不可為
 之州間有不可為之州而未有不可為之漕若長民使
 部者人人如定叟子直之心則麩引之征真可免矣

按田賦府縣前志自元以前未詳茲自李心傳建炎
 以來朝野雜記甲編錄出三則聊以補府縣志之所

不及

明

府四縣洪武初官民田地山塘等項共一萬六千五百五

十一頃三十一畝五分夏稅米二萬一千六百二十九

石八斗八合八勺桑絲五百一十五觔一十三兩二錢

秋糧米二十一萬七千四百四十六石五斗六合三勺

塘租米二千一百八十五石牛租米二百四十九石六

斗 宏治十五年官民田地山塘等項總一萬六千五

百二十八頃二畝八分夏稅米二萬一千七百九十石

二斗九升一合六勺桑絲五百一十九觔四兩六錢四

分織絹四百一十五疋二丈八尺七分秋糧米二十一

萬七千一百三十三石五斗七升三合五勺牛租米一

十一石九斗 正德五年與宏治十五年同 嘉靖二

十一年與正德五年同 萬歷十年合省丈量惟袁州

未丈止將官民田一概攤派官民田一萬一千九百二

十六頃三十六畝一分一釐五毫官民地一千七百一

十四頃四十五畝九分官民山九千三百五十一頃四

十九畝八分官民塘四百五十二頃五十三畝三分九

釐已上田地山塘共二萬三千四百官米一萬七千六

百三十石八斗二升六勺民米一十九萬九千五百二

石三斗七升四合六勺外牛租米一十一石九斗夏稅米麥二萬一千七百九十石二斗八勺外課餼租米一十一石六斗四合六勺

本縣田地山塘共五千一百一十五頃四十九畝四分

內田

三千六百九十一頃九十畝五分地五百四十頃四十分

九十二畝二分山七百六頃二十二畝七分塘一百七十二頃

六畝官民米六萬八千二百九十五石每石折銀八斗

四升二合二勺夏稅米六千八百四十五石四斗六升二合七勺外牛租米五石九斗

府志按嘉靖志云府四縣之糧元末歐祥據郡田一畝

令民納米三鄉斗計九升其後內附遂誤鄉斗作官斗

造報大祖知三斗過重命減半科糧是民田一畝科糧

一斗六升五勺外夏稅一升六合計田六畝二分四釐

已科糧一石外仍夏稅米一斗比鄰郡臨吉南瑞凡畝

以五升三合起科者計田一十八畝始科糧一石而夏

稅在外其極重者科猶未減較袁之額實重二倍已正

統元年知縣周瑛奏准每田一畝比照各府縣分納本

色米五升三合其餘准收折色銀布輕膏民賴是少甦

然歲久法弊民困如故嘉靖二十二年知府范欽備稽

宏治七年前後每糧一石派銀四錢四分五毫零正德

十年以前加至四錢九分九釐九毫零嘉靖年間漸至

五錢五分七釐二毫零而民力益罷九年知縣謝載申請凡石僅減一分八釐四毫比之宏治中尙多九分有餘都御史胡岳查袁科重糧減至五錢一分五釐五毫有零於是知府欽通查申請又得末減凡米一石并夏稅共徵銀五錢二釐零民猶稱困嘉靖三十六年知府張任據老人張檜等呈查議申請巡撫都御史馬森三十八年民人高儼等復奏行知府李德甫查申巡撫都御史何遷每糧一石并夏稅准派銀四錢二分九釐民困稍甦然猶未盡復正統成化間舊額也知府李德甫查復均派議老人高儼等疏列後

江西袁州府宜春縣老人臣高儼等謹奏為錢糧徵派不均經年勘議不一懇乞天恩查照舊規頒給定令以杜那移奸弊以救四縣生靈事切念袁州府宜春分宜萍鄉萬載四縣山多田少土瘠民貧稅宜特輕而反偏重於各縣者禍因國初歐祥歸附獻報田額誤將三升鄉斗報作官斗以致減半定科四縣均為一則計田六畝二分三釐即坐秋糧一石外又重復加派每畝夏稅一升六合五抄比之鄰界吉臨撫瑞等府所屬田地寬狹土穀惟均其樂安等六縣每田三十畝有零方派秋糧米一石玉山等十四縣每田二十五畝派米一石清

江等二十四縣每田二十畝科米一石新喻三縣亦皆不下十畝之外派米一石又無夏稅則袁州之額賦重於他縣者又不知幾倍矣以三十餘畝而派糧一石則其歲收租穀不但六七十石有餘較之六畝二分派糧一石者所收租穀不上數石計所入之豐約若彼之相懸而所出之重輕又若此之迥異矣然南昌縣鄉耆人民猶以每畝一斗以上科重呈告撫按兩司俱蒙改重從輕唯袁州之民久困重額奈之何不貧且逃正統年間分宜知縣周瑛備情具奏隨奉戶部議將本府四縣田糧重額官稅悉派輕費每民糧一石派京庫折米三斗四升南京棉苧布三斗三升本府縣倉存留本色米三斗三升以供官軍師生俸廩等糧支用著爲定例後因年久例湮漸有改更成化年間分宜縣儒學教諭夏思義申明前例復具奏行巡撫都御史查行間前巡撫韓都御史撫臨本府查照前項輕齋事例行仰布政司會議立法豁減永爲遵守數十年糧甚均平民無逃竄行至宏治年間奸巧漸生前例漸弛遂將京庫折米并棉布輕費那移散派各縣改將南京倉糧桐油硃錫及各王府祿米等項極重糧則槩派本府以致輕者愈輕重者愈重嘉靖七年本府知府王卿又申前例具奏通

行巡撫衙門酌量議處分豁續蒙巡按穆御史轉行布政司查議仍被吏書作弊委之老案燒燬止照近年徵派卷冊不查先年輕齎事例仍未分豁以後節次并本府宜春等知縣謝載徐棫各另申呈撫按兩司皆緣陞遷不常迄無定議逐年但知加重毫末不聞減輕袁州之民甚至倒拆房屋變男鬻女年復一年民力殆盡逃亾接踵田地拋荒錢糧墮悞地方不勝困斃至嘉靖三十五年蒙巡撫蔡都御史撫臨准呈批府查議申奪隨蒙分宜縣知縣許從龍招撫逃亾查得袁州之地委與各縣輕重不均祇緣吏書作弊變亂舊規遂使袁州之

民既受重額之科復廢輕贖之例地方被害所係匪輕備由申呈巡撫批行司府查議間至嘉靖三十八年復蒙巡撫馬都御史臨府臣等備將賦重田荒民逃糧墮寃情呈院蒙知縣胡應嘉楊自治等各將前情呈府知府張任仍備申撫按批行并議蒙布政司同糧儲等道會議得袁州之賦委係偏重比之各府縣糧額每石固有六七錢者然其田不下一二十畝則收租穀多至四五十石之餘袁州每石止田六畝所得之租僅得十有餘石槩科每石折銀五錢有零則其利弊之相較不啻三四倍固難齊其末而揣其本也及查先年分宜縣知

縣周瑛奏豁改撥本府止是京庫折銀南京棉苧布疋存留本色倉米別無有王府祿糧南京倉米等項歷年由帖具在民間正德七年間奸書走派至將本府京折布等項輕齎那移派散各府却將各大府祿南京米等重則加派袁州兌納卽今該府民困已極若不卽賜查豁逋逃困迫之流弊殆不知其所終也合無將本府原派京折布折南額科等糧則儘本府原定總額撥派及將加派各府祿米倉米等項或就近附府移撥或量於極輕縣分遞增庶糧額無爽積弊獲甦矣備由申呈巡撫馬都御史蒙批旣經會議仰照所議量爲減省通行酌派施行繳又蒙巡按徐御史批各祿俸移派不多亦無改額准照通融少蘇重科之困繳復蒙布政司查得袁州四縣田同一則每畝科秋糧一斗六升五勺外起夏稅米一升六合五抄計所收租穀不過二石原派徵銀八分五釐扣田六畝二分三釐科秋糧一石每年全徵五錢有零外加夏稅較之別郡四五畝等科則委有三倍之重相應酌處減輕會議該府四縣官米每石折銀三錢五分又續奉加科銀一分六絲六忽二微外加夏稅折銀二分五釐零加耗水脚其用紙銀三錢民糧每石仍派南京倉糧祿米等項全納每石該銀四錢一

釐八毫六絲七微三纖外重加夏稅耗銀比之舊例派
徵每石已蒙減省銀八分矣但思本府夏稅卽係絲棉
折絹庫鈔等項各府縣列入條規隨時徵解不復重科
惟袁州府縣所解桑絲折絹茶菓等項共折銀四百餘
兩正是夏稅項下之賦却被吏書作弊將本府官民田
糧每石重徵銀二分五釐理合開豁及照南京倉倉糧
王府祿米舊例俱無今旣蒙矜憐議處改派又不盡改
復存斯項未免又起日後增添之漸一旦官更吏代書
算弊生朝四暮三那西改東仍如舊日重派文卷埋沒
告訴無門臣等深爲憂慮伏望皇上垂憐請勅戶部轉
行巡撫衙門查理夏稅不使重複科徵查議舊規南糧
祿米併救禍根刊立榜碑著爲定例庶一勞永逸奸人
無那移之弊而袁人有安枕之期矣爲此連名親具奏
聞嘉靖三十八年四月日老人臣高儼黃朝宗李奉高
張檜劉憲爵簡朝清汪木辛可九李冲等奏聞奉旨戶
部知道部覆看得高儼等所奏袁州府宜春等四縣山
多田少土瘠民貧糧賦派徵獨重他郡已經先年分宜
知縣周瑛奏豁改撥由帖具在節年奏告屢行撫按衙
門勘議明白准照輕齎事例科派著爲定例覆奉俞旨
隨奉部咨准令照舊改撥及照前項輕齎事例開派其

夏稅既係重複卽與開豁不許重徵南京倉祿米等項查照舊規卽與盡數改派仍刊榜碑永爲遵守毋再紛更以滋奏擾等因一咨江西巡撫都御史何一咨都察院轉行巡按江西監察御史鄭頒行到府遵行嘉靖三十八年四月

袁州府爲錢糧徵派不均經年勘議不一懇乞查照舊規俯給定令以杜那移奸弊以救四縣生靈事節奉布政使司劄付抄奉巡撫都御史何案驗准戶部咨於戶科抄出袁州府宜春等縣民高儼等奏前事奉旨戶部知道欽此欽遵等因抄出到部送司看得高儼等所奏

袁州府宜春等四縣山多田少地瘠民貧糧賦派徵獨重他郡已經元年分宜縣知縣周瑛奏豁改撥由帖具在及節經奏告屢行撫按衙門勘議明白准照輕齋事例開派乞要刊立榜碑著爲定例一節爲照前項事情既經撫按衙門節次勘議停妥民旣稱便相應准擬就行爲此合咨煩查高儼等奏內事情果與元年知縣周瑛及韓都御史原議相同准令照舊改撥及照前項輕齋事例開派仍刊刻榜文永爲遵守毋再紛更以啟奏擾希由咨部查考施行等因案行本司劄付行府查議奉此隨該本府查得原經分宜縣知縣周瑛及前巡撫

都御史韓議改輕齋卷宗年歲久遠雖無從查考但查得本府志書名宦志內載稱周瑛正統初分宜知縣以袁州糧重民困具疏於朝又賦役志內載稱元末歐祥據郡田一畝令民納米三鄉斗每斗止有三升共計九升其後內附遂誤以鄉斗作官斗造報高皇帝知三斗過重命減半科由是民田一畝計糧一斗六升五勺計田六畝四分科糧一石比臨江吉安等府每畝以五升三合起科計田一十八畝始科糧一石者實重二倍及據分宜等四縣齋到正統天順等年間各印信由帖內開載每糧一石止派京庫折銀南京米布折銀及本府存留倉米等項其納銀不過三錢一二分至四五分而止實由知縣周瑛奏蒙都御史韓議改輕齋民賴稍甦今自宏治六年以後至嘉靖年間事愈湮廢漸加四縣南米共四五萬石并各府祿米重則嘉靖三十六年四縣老人張檜等將申復舊例事赴巡撫都御史馬呈准批行布政司查明具呈隨奉本院垂念賦重將嘉靖三十六年四縣民糧每石派銀四錢二分六絲六忽八微一織外夏稅銀二分五釐其派徵銀四錢四分五釐六絲六忽八微一織民已沾惠嘉靖三十七年十二月內又奉巡撫都御史何將嘉靖三十七年分四縣民糧每

石連夏稅派納銀四錢一分八釐二毫三絲四忽一微六纖蓋洞悉袁民糧則甚重所以曲賜輕派恩澤已爲無涯但今派則比之二三年前雖獲輕減然以正統天順等年由帖派例相較尙爲過重是以高儼等激切陳情甚非得已如蒙憫念瘠土貧民糧額原重將本府近派南京本色倉米及各府祿米等項重糧改派別府糧額原輕去處則以田二十畝而納銀六七錢較之袁州府以田六畝而納銀三錢四五分者尙爲輕減不但適均而已再照法久則更張易起官更則前事或湮故前知縣周瑛所奏及前巡撫都御史韓議處輕則非無惠利及民但未著爲定例是以時移事改又復加重如蒙詳議查復著爲定例特賜刊刻板榜懸諸布政司派糧處所每年查照施行仍咨本府將今議事蹟始末建立碑石於府治之內萬一他年亦或似前漸加重糧本府庶可執以陳情如此則仁政所施不特一時之利而袁民世世戴德於無窮矣緣由申詳去後奉巡撫都御史何批據本司呈准又經糧儲左參議姜汝濬案照先准本司咨奉本院案驗前事備行本道希將高儼等所奏事情查議明白希由回司以憑呈奪施行等因到道准此查得袁州府所屬四縣田同一則糧額委果偏重相應

酌量議減定派每民米一石派南京本色正米一斗副
 米三升六合該銀共六分八釐驢脚銀一分二釐南京
 舊例折色米一斗一合該銀六分六毫京庫苧布本色
 米一斗六升七合六勺三抄該銀五分一釐一毫二絲
 七忽一微五織折色布米七合八勺六抄五圭該銀二
 釐二毫三絲五微南京苧布折色米二斗四升五合六
 勺一抄一撮該銀七分一毫七絲四忽五微七織南京
 棉布折色米五升五勺九撮四圭五粟該銀一分五釐
 一毫五絲二忽八微四織京庫折銀米一斗七升一合
 八抄九撮七圭三粟該銀四分二釐七毫七絲二忽四

微三織府縣倉學米一斗五升六合三勺五抄三撮三
 圭二粟該銀七分八釐一毫七絲六忽六微六織其實
 該銀四錢二毫三絲四忽一微五織似為適均及查四
 縣夏稅銀兩先係本司派徵近年本道亦照原額數目
 派行各縣徵解並無更改咨報布政司看得袁州府四
 縣糧額向因科重以致里老每有陳訴蓋緣四縣土壤
 素稱沙瘠任土制賦似無便於輕齎者是以高儼等復
 有此奏今該糧儲道酌議派均合就呈請及照高儼等
 奏要刊立榜碑著為定例此尤慮終之見合候呈詳允
 日將嘉靖三十九年分袁州府屬等四縣秋糧各則錢

糧通照糧儲道派定數目徵收解納著為定例凡司道
 派則查照施行令該府立碑府治之內及修造總會文
 冊刊入在內以垂永久庶不失裒益之宜而袁民重科
 之訴亦可少塞矣詳蒙巡按監察御史鄭批該府糧額
 委重今派似得裒益之宜准查照行繳等因到府奉此
 除通行宜春等四縣遵照外合將今議派糧事蹟始末
 緣由鐫刻碑石建立府治儀門永遠遵守他年倘有移
 改執此陳情施行嘉靖三十九年知府季德甫立萬歷
 九年通飭合省丈量獨袁憚勞未行止將官民田一槩
 攤派以致五畝八分科糧一石比前尤為加重兼日久
 奏告事湮又加派各府祿米三色榜紙等項每石派銀
 五錢二分有零嗣奉加派遼餉每田一畝派銀三釐五
 毫續加五釐五毫省司改照糧攤袁素困重則偏累益
 甚紳耆袁業泗等屢告行府查議知府黃鳴喬備情懇
 詳稍獲原減崇正五年鄉官鍾煥等又具公疏奏陳奉
 旨照畝均派然朝令夕改格未盡行袁民膏血日朘月
 削以訖於明終今載知府黃鳴喬申詳鄉官鍾煥等公
 疏於後

袁州府為田磽則重屢經奏准乞恩查照碑刻永不加
 派之例以免窮困事蒙巡按監察御史張批據袁州府

屬鄉官袁業泗等舉人袁一鰲等生員李時英等耆老葉青等具陳前事并奉巡撫都御史包批同前事俱奉批仰布政司查報等因本司行府從長酌議具報本府知府黃鳴喬復看得派糧惟照畝最爲均平近日部文每畝派加三釐五毫夫亦以畝則無偏榮瘁是以各省皆照畝加派衆心帖然而不意獨江右有照糧之說也夫十三府之糧有積田四百二十一畝科一石者有二百四十六畝科一石者此袁州固不敢遽比也今惟以吉臨與袁提而論之按袁當歐祥內附以鄉斗作官斗造報高皇帝命減半科由是民田一畝科糧一斗六升五勺計田六畝四分科糧一石比臨江吉安每畝以五升三合起科計田十八畝始科一石者實重二倍業已具題奉旨以後永免加派他年倘有移改許執此陳情此載在志書並勒石府門有年矣近日因邊餉加派安敢抗違第念賦役之重原二倍於吉臨此袁民平時之獨苦也加派論糧則又二倍於吉臨此袁民今日之尤苦也卽一宜春而言除地山塘外實田三千六百九十一頃有奇歷年來又不得如國初六畝四分之科每田計止五畝八分二釐六毫起科派糧一石共該糧六萬三千三百四十七石有零如依吉臨十八畝起科則止

該糧二萬一千一百一十五石有零是平時已多四萬餘石之累矣今奉照糧加派則宜春該銀四千一百一十兩零如依吉臨則止銀一千三百七十兩是近日又多三千餘兩之累矣分萍亦俱相類而萬載更不止此夫輕重相去不甚懸絕猶可勉強支應今計重至二倍則鄉紳士民安得不嗷嗷求救哉况環袁皆山磽瘠果十居其八故田日以逋民日以逃今日不爲之更始恐後來必有不可支者普天之下皆是赤子何獨執論糧加派之說別府皆蒙庇而獨困此一方民哉海內盡論畝而獨江右論糧使袁州之民向隅對泣雖各縣暫那

移起解而實爲士民控告所掣尙未全徵合無將宜分萍三縣遵依部文照畝加派庶民不甚怨咨官不至掣肘而公私或可兩全至若萬載一縣原蒙題過以上疲論者合無仍照奉新高安等縣全免加派一則存昔日欽定免派之遺意不至於甚違旨一則依此邑上疲經題之例不至於獨屯膏伏乞救此一方民定爲三縣照畝一縣免派之規俾宜分萍可與各郡同而萬載可與高安同庶皇恩無偏靳而疲民獲少甦也

萬曆四十七年八月申十月又申蒙藩司覆議宜春縣減銀一千三百三十七兩零分宜縣減八百二兩零萍鄉縣減一千九十八兩零萬載縣減一千一百四兩零雖未得依照畝之例比之原派舊數爲稍遜矣

崇正五年在京鄉官鍾价袁業泗張承詔彭大科袁一鳳袁一鰲袁繼咸等奏爲臣郡遼餉獨重袁民困極難堪懇乞聖仁矜憫勅下撫按照畝均派以信明旨以蘇偏累事臣籍江西袁州轄宜分萍萬四縣僻處山與原高浮瀉稍曠則田土焦灼赤地連阡稍潦則山溪瀑漲四郊皆壑地方之磽無甚臣袁也國初僞將歐祥遣子納欵誤將三升鄉斗報則三斗六升賴高皇帝鑒憐減半於是袁田五畝八分派糧一石賦稅之重亦無甚臣袁也計五畝八分之入終歲勤動豐年止得穀十一二石除供賦外所餘僅十之二三俯仰衣食尙自不克一

遇水旱則半菽不登公私交困又路當楚蜀孔道差役重繁所以嘉靖年間袁民高儼等詣闕陳情奉旨永不加派勒石載冊斑斑具在神祖末年議加遼餉通省加餉三十六萬一千有零袁雖極疲敢不與諸郡邑共議急公第據加餉明旨初奉部文每畝派三釐五毫續加五釐五毫前後共九釐此計畝加餉真皇上天地爲公綸綍日星共炳而柰何於臣鄉獨不然也袁糧一石田止五畝八分遵旨應派五分二釐二毫者竟倍至一錢一分七釐通袁州四縣糧二十一萬七千遵旨應派一萬一千零者竟倍至二萬三千零矣查通省賦役全書

鄰縣每糧一石有田多二百畝百餘畝者次七八十畝
又次二三十畝最少亦不下十餘畝卽號稱極疲如高
安一縣尙以九畝成石未有如袁獨重者乃高安遼餉
旣邀分釐未派而袁不惟不得並高安且不得與諸郡
縣埒肥瘠偏受輕重懸殊祇緣初議派時畝多糧少郡
縣不利于論畝倡爲計糧科派之說各懷桑梓私謀罔
顧偏害當時司道祇據一偏不詳查各府縣田畝多寡
通盤打算區別調劑一槩舍畝論糧每石止派若干袁
州地僻人愚一任派來無能控籲初猶冀倖旦暮息肩
故忍痛吞聲勉強輸供豈年復一年以致流離轉徙不
可名狀且袁餉計畝應派外浮至一萬二千者祇爲田
多糧少郡縣代輸足額耳卽令袁人尙堪假息然剗已
之肉誰無不平之鳴况最爾疲郡賦重差繁困憊已極
每歲萬千之金從何而出其能不呼天搶地哉頃年父
老屢控撫按司道地方官亦每目擊心傷思爲裁處然
通省餉額已定裁此計必增彼而有一番更張便有一
番阻撓任事之心未免奪於畏難傳舍其局亦復竟成
推卸歲以積歲袁民拊膺莫可奈何嗷嗷一郡膏血已
盡骨髓俱竭向猶稱貸饒家今家家疲於竭澤徧閭里
皆蕭條卽貸無可貸也向猶鬻產富人今戶戶罄於催

科指田廬爲陷阱卽鬻又誰鬻也其逃者爲走險之鹿
但得拋却田廬卽爲生路其存者如棲幕之燕卽苟且
支吾旦夕終是死鄉近戶部又派江西協濟王庄夫合
省無論有田可協而袁郡片土悉苦重科尙復以此加
之是派已重而加無已困已極而歛不休猶人負千金
之擔而復扼其首病奄一綫之息而復奪其精蒿目鄉
里亾徙十已三四長此不已閭閻半作坵墟阡陌變爲
藜莽卽惟正之供誰爲國家作繭絲者真大可痛哭流
涕者已臣等俯爲桑梓悲切膚仰爲國家留生齒敬披
瀝請命臣等不敢以永不加派之旨比例高安亦不敢

以賦額極重之故求諸郡邑伏乞皇上將臣疏勅下戶
部嚴行撫按遵論畝明旨并查賦役全書袁稅是否與
各縣懸絕如果臣言不謬將袁郡邊餉應派一萬一千
外其浮加一萬二千合無于田多糧少郡縣酌量通融
哀多益寡務使派法均平民無偏累卽爲浩蕩洪恩更
乞勅撫按官凡遇國家有不得已加派如王庄銀等項
或于曾奉明綸永不加派之處特免再加或查各郡縣
畝多畝寡之殊斟酌均派毋徒一槩論糧至成極重難
負流亾轉徙庶一方之倒懸獲解而疲郡之更生有期
伏乞俞允施行奉聖旨這所奏知道了該部速行撫按

照畝均派

府志按袁州地少糧多元以前舊額無可稽嘉靖志考自明初推原誤編之由信而有據格於祖制莫能議及更張然觀士民呼籲之忱至通於帝闕而前後司牧亦屢為民切請命三百年積困之深情尤歷歷如繪矣至我

朝鼎新寰宇順治十年右布政使莊應會瀝情入告請汰浮糧行查冊籍實據巡撫都御史蔡士英援志書陳請得奉

恩旨俞允於是改照鄰壤新喻上則每田一畝科糧九升三合有奇減汰浮糧幾半民慶更生故舊志所載奏告文牌備錄如右俾覽者可考尋前事益感戴聖朝恩德於無斁云

皇清

本縣原額官民田地山塘共五千一百一十五頃四十九

畝四分

各派徵不等

原編起存各款並加增九釐地畝銀共五萬三千九十三兩五錢三分二釐三毫內原有紳衿優免米七百四十八石該派三差銀六十一兩六錢六分八釐一毫七忽九微不准免外於順治十一年奉

旨清汰浮糧減夏稅麥米三千二百二十二石八斗一升八
勺秋糧官民米三萬二千八十一石三斗五升七合七
勺其減糧差加增等銀二萬四千八百四十七兩五錢
五分四釐五毫

計實額編銀二萬八千二百四十五兩九錢七分七釐

八毫內於順治十年內題准開除荒塞田四頃二十八

畝九分五釐該減銀二十九兩一錢七分三釐五

毫節年墾陸田地塘共一十二頃六十八畝二分六釐

七毫該增銀七十七兩九錢四分一釐四毫三絲至嘉

慶十八年節年開墾首墾除補足原額外新增田地山

洲塘一十七頃八十三畝一分增銀六十六兩六分一

釐九毫三絲

見在成熟田地山塘共五千一百三十三頃三十二畝

五分

其實徵銀二萬八千三百一十二兩四分

原額南糧正副米一萬五千二百五十九石一斗五升

九合二勺內除題旨改折七分正副米一萬六百八十

一石四斗一升一合四勺四抄徵銀不徵米外又於順

治十一年奉

旨清汰浮糧減正副米二千一百五十石三斗五升五合八

勺

計實額編米二千四百二十七石三斗九升一合九勺

六抄除荒陸米二石五斗二升四合一抄節年墾陸

增米五百六斗一升六合四勺二抄五撮一圭

田賦

三

其實徵米二千四百三十三石一升八合四勺

原額一則田三千六百九十一頃九十畝五分除伏浮外每畝

實編糧差并加增其銀七分二釐二毫三絲一微九纖實編米六合二勺四抄九撮一圭一粟

見在成熟田三千六百九十八頃六畝六分三釐實徵

萬六千七百二十二兩三錢二分六釐五毫三絲實徵米二千三百一十一石九斗二升三合二勺三撮九圭

原額一則地四百九十頃五十一畝五分每畝除伏浮外實編糧差

并加增銀一分八釐九毫二絲七忽五微九纖實編米一合六勺三抄七撮七圭八粟

見在成熟地四百九十五頃二十九畝九分實徵銀九

兩四錢八分六毫七絲實徵米八十一石一斗一升九合九抄二撮

原額二則藍靛地五頃七十一畝每畝原編糧銀五釐

二釐未議伏浮

見在額同實徵銀三兩四分六釐五毫

原額三則桑地四十八頃一十七畝七分每畝原編桑

一釐七毫六絲二忽二微五纖未議伏浮

見在成熟桑地四十八頃四十畝六分五釐實徵銀二

錢五分六釐五毫二絲

原額一則山七百六頃二十二畝七分每畝科鈔一百

七釐原不派徵銀米

見在成熟山七百一十一頃二十一畝實徵銀八

原額一則塘一百七十二頃六十四畝五分每畝除伏浮外實編

糧差并加增銀二分五釐八毫四絲四忽三微
五嶺寶編米二合三勺一抄三撮七圭五粟

見在成熟塘一百七十二頃七十七畝六分一釐七毫

實徵銀四百四十六兩五錢二分八釐八毫
實徵米三十九石九斗七升六合八抄九撮

原額二則學塘三十一畝五分每畝原編糧銀一分三釐二毫三絲五忽五微

未議
汰存

見在額同實徵銀四錢一分六釐九毫

外帶徵丁銀三千四十五兩四錢六分九釐六毫八絲

增徵匠班正脚銀一百二兩五錢一分三釐折色時價

增徵正脚銀五十三兩七錢六分九釐本色時價會議

增徵正脚銀四兩五錢三分二釐核減本色新增時價

銀三百二十九兩三錢五分三釐雜辦課鈔商稅魚油

正脚山租淺鈔等款銀一百六十一兩二錢七分六釐

內減免里民賠納魚課銀七兩九錢一分七釐

已上謹照嘉慶十八年賦役全書編定通共額徵起存

正雜等款銀三萬一千九百九十九兩五錢二分二釐

遇閏加銀二百二十
三兩三錢七分五釐

本府清汰浮糧全案

順治十一年四月二十八日江西布政司為清汰浮糧

以甦民困以宏

聖政事奉巡撫江西兵部右侍郎兼左副都御史蔡憲牌前

事又奉總督江南江西等處兵部尙書兼右都御史馬
憲牌前事又承准戶部照會內開本部題覆江西巡撫
蔡題前事據江西布政使盧震陽呈詳內稱順治十年
五月二十九日承准戶部照會本部題覆江西右布政
莊應會等奏前事內開近奉

聖旨朝覲首領官面見後如有地方情形及興革利弊聽各
官具本奏聞欽此欽遵竊聞民爲邦本本固邦寧臣等
待罪江右謹將瑞袁兩府一地二糧重累三百餘年應
革大弊爲我

皇上陳之按舊志元至正二年瑞州府冊載田糧一十二萬
五千七百四十三石有奇袁州府稱是至洪武二十四
年瑞州府增至二十二萬五千三百五十二石零袁州
府增至二十一萬七千餘石較之原額浮十萬矣詳攷
其故陳友諒據瑞州兵餉匱乏於額糧暫借一年此不
終日之計也未幾友諒敗有老人黎伯安妄將借徵冊
籍抱獻明太祖希賞遂照數起徵又歐祥割據袁州洪
武初遣子納降本郡糧民米三升其子失察誤報官斗
十升江西南昌等府糧則科田三十畝爲一石有二十
五畝爲一石者分爲上中下三則追徵惟袁州誤報官
斗止五畝八分爲一石此尤顯而易見者兩郡之民非

積年拖欠卽流徙逃亾遺累三百餘年前朝撫按屢經
疏請未革

皇上如天好生與民更始正剔弊作新之日伏乞

軫念江西爲天下極苦寒之省而瑞袁二府尤江省最凋疲
之區

勅下該部轉行撫按丈量田畝清汰浮糧俾二府之科與本
省之十一郡相準永著畫一之規早定樂輸之額實固
本寧邦之首務也仰祈

聖鑒立賜施行等因順治十年二月二十八日奏三月初三
日奉

聖旨著詳察確議具奏該部知道部覆該臣等看得江西布
政莊應會等奏稱瑞袁二府以凋疲殘郡科糧獨重遺
累已久議清浮糧與各府相準臣部備查該省地糧較
他府雖地少糧多但疏內科編緣由臣部并無元季明
季冊籍可考合俟該督撫按備查元季明季冊籍袁瑞
二府科糧獨重或地係膏腴或從前謾編苦累有何確
據逐一勘實具奏以憑覆請定奪可也旣經該司案呈
前來相應覆請恭候

命下臣部轉行遵奉施行等因順治十年四月二十一日題
二十三日奉

聖旨依議欽此欽遵抄出到部送司奉此相應照會案呈到部擬合就行爲此合照會該布政司遵照本部題覆奉聖旨內事理欽遵施行等因併奉督撫按三院案驗行同前事奉此隨經移行江西督糧及該轄守巡各道并行府縣欽遵確查去後隨奉巡撫江西左副都御史蔡批據袁州府申詳前事奉批仰布政司速行覆核具詳三日內報以憑彙題繳志書併發等因奉此先據該府申稱據宜春縣知縣王忻詳稱案查通省賦役全書惟袁州糧額偏重較之贛屬會昌安遠等縣有重三十倍二十倍者較之撫建饒南等處有重二三倍者今固不敢遽

比但就湖西一道言之宜邑南接安福東鄰新喻風土既同地產不異安福田有二則上則官田每畝科米三升三合六勺民田每畝科米七升二合二勺二則官田每畝科米二升四合一勺民田每畝科米五升一合七勺新喻田有三則上一則每田一畝科官民米九升三合二勺三抄一撮二則每田一畝科官民米八升三合五勺七抄二撮八粟五粒三則每田一畝科官民米七升七合二勺一抄今同處一方田壤相接內有官田民田之不等二則三則之懸殊乃宜邑田止一則每田一畝一概科米一斗七升一合五勺八抄三撮七圭九粟

官民田地山塘共五千一百一十五頃四十九畝四分
共派官民米七萬五千一百四十一石三斗四合九勺
通共編派銀四萬三千三百六十二兩四錢八分二釐
九毫五絲五忽四微七纖比之安福實重二倍比之新
喻實重一倍前朝始於歐祥誤報泥於祖制相沿

朝廷空存重賦之名百姓徒受敲扑之累歷年逋欠從無完
納以濟實用幸今

聖朝蒞政釐弊定制軍國度支原期實濟今賦額偏重民已
難堪數目空懸竟成畫餅失悞糧餉關係封疆因時變
通尤須釐正今亦不敢望比安福寧比新喻仍舍中下

兩則比照上一則每田一畝擬科米九升三合二勺三
抄一撮每畝應減編七升八合三勺五抄二撮七圭九
粟地塘並以新喻爲例宜邑通共應編夏稅秋糧官民
米共三萬九千八百三十七石一斗二升九合七勺應
編本折色糧差銀二萬二千四百六十一兩二錢三分
一釐五毫三絲三忽九微宜邑通共應減編夏稅秋糧
官民米三萬五千三百四石一斗七升五合二勺通共
應減編本色糧差銀一萬九千九百一兩二錢五分一
釐四毫二絲一忽五微七纖釐弊去其太甚雖不能與
他郡適平但減一分則免一分之累此係永久之規雖

豐裕之年所當釐正以定畫一之制革偏累之弊况今殘破傷災民不堪命尤當起做扶衰休息民力以濟實用愈於留紙上虛額徒煩追呼之擾無益

國用之緩急也又據分宜縣知縣江載清申稱案查袁糧賦額偏重緣明初有歐祥誤報遂以五畝八分爲糧一石在上但知以斗派糧在下則苦畝少賦多爲袁民三百年之積弊莫甦以致科糧偏重較之他郡大相懸殊今固不敢遽比遠例但就湖西一道論之南連安福東接新喻分宜較安福實重二倍較新喻實重一倍今固不敢望比安福僅比新喻田有三則上一則每田一畝

科官民米九升三合二勺三抄一撮分邑田止一則每田一畝科米一斗六升八合八勺四抄五撮九圭一粟田地山塘共二千七百七十六頃八十八畝四分三釐三毫其派夏秋官民米四萬五千九十三石七斗二升三合一勺今亦不敢比擬新喻中下二則寧照新喻上一則起派每田一畝應減編七升五合六勺一抄四撮九圭一粟田地山塘照新全書折算實田并以新喻爲例分宜通共應實編夏稅秋糧官民米共二萬三千七百五十七石九斗三升八合八抄應編本折色糧差除南糧改折外該銀一萬四千一百三十二兩八錢四分

八釐四毫分邑通共應減編夏秋官民米二萬一千三百三十五石七斗九升二合二勺二抄通共應減編本折色糧差銀一萬二千一百七十九兩四分八釐一毫仰祈轉詳題奏倘蒙

俞允袁屬均係

朝廷土田赤子賦役得均嗣後世世以迄萬萬世皆戴錫極之福矣緣由又據萍鄉縣知縣吳興祚申稱該卑職查得通省賦役全書惟袁糧額賦偏重較之贛屬會昌安遠等處有重三十倍二十倍者較之撫建饒南等處有重二三倍者今日不敢比從此例只就湖西吉臨兩府

屬邑言之安福田有二則新喻田有三則惟萍鄉田止一則每田一畝科官民米一斗六升六合九勺六抄七撮一圭一粟安福總計官民田地山塘七千二百七十七頃九十六畝九分七釐共派官民米六萬一千九百九十八石九斗四升八合三勺新喻田地山塘其一萬一千六百八頃四十八畝九分三釐六毫共派官民米七萬二千二百二石三斗二升九合萍邑除山七千一頃七畝原不科糧不開外實科官民田地塘通共三千六百四十二頃三十八畝五分共派官民米五萬六千七百七石六斗四升六合三勺比之安福實重二倍比之

新喻實重一倍歷年掛欠

國無實用幸奉憲檄除害正賦革故鼎新今日不敢比安
福與新喻之例照上一則每田一畝科米九升三合二
勺三抄一撮每畝應減編米七升三合七勺三抄六撮
一圭一粟地塘并與新喻爲例萍邑通共應編夏稅秋
糧官民米三萬三千七百九十石四斗五升一勺七抄
一撮五圭七粟應編本折糧差銀二萬零九十六兩八
錢一分五釐三毫萍邑通共應減編夏秋官民米二萬
七千八百六十一石四斗九升四合八勺二抄六撮四
圭三粟通共應減編本折糧差銀一萬六千五百七十

一兩六分七釐六毫萍邑之後民不堪命自當革除重
害休養民生以濟實用也緣由又據萬載縣知縣張一
躍申稱卑職隨經會集紳衿耆老從長酌議萬邑土瘠
民疲田磽賦重因前朝歐祥誤報鄉斗作官斗科派相
沿歷年逋欠從無完納究竟紙上虛文不能濟諸實事
今奉文釐正賦額合宜披肝瀝膽以告比例科派不敢
望比他處但就吉臨隣府同湖西一道而論焉田土磽
薄旣無各別而地產賦稅自有相同安福田有二則新
喻田有三則而萬邑田止一則每田一畝科官民米一
斗六升七合一勺七抄五撮五粟四粒其官民田地山

塘四千九百九頃一畝八分七釐二毫內除一則山一千五百八十六頃六十六畝一分全書刊載係派山租鈔貫不在易知單內派徵米銀又內二則塘二頃七十六畝五分全書地係派牛租不入易知單內派徵銀米實田地塘共三千三百一十九頃五十九畝二分七釐二毫其科官民米五萬一千七百九十七石七斗二升四合六勺是比安福數重二倍較之新喻實重一倍今不敢望比安福之輕寧照新喻之上則每田一畝擬科官民米九升三合二勺三抄一撮每畝應減編七升三合九勺四抄四撮五粟四粒每地一畝擬科官民米

二升四合四勺三抄四撮一圭五粟每畝應減編米五升九合一勺五抄三撮三圭七粟九粒每塘一畝擬科官民米三升四合五勺一抄九撮每畝應減編米一升七合五勺六抄三撮七圭一粟萬邑田地塘通共實編秋糧官民米二萬八千一百七十一石七斗三升二合九勺七抄實派夏稅官民米二千八百五十二石四斗八升六合五勺六抄應編本折色糧差銀一萬四千六十二兩二分六釐四毫三絲七忽六微九纖通共應減編秋糧官民米二萬三千六百二十五石九斗九升一合六勺三抄共應減編夏稅官民米二千三百九十二

石二斗一升一合四勺四抄應減編本折色糧差銀一萬一千七百九十三兩二釐四毫七絲七忽二微一纖然而追徵一向不前無非糧重之故匪爲兵火焚戮之際可比新喻而科徵卽值太平無事之秋亦當公平而派賦但歐祥之誤報事經前朝而董狐筆之改正恩從今日矣緣由各到府該署府事本府推官王延禔覆看得袁郡之在江右最稱疲瘠總由明初歐祥誤報釀成三百年莫紓之困向來守令入疆問俗未嘗不思釐正然而陳訴盈几聚議幾番築舍道旁終無定局非礙於祖制之難更卽拘於款額之已定今幸

與朝鼎創積弊情形業蒙憲臺洞矚兩經入告小民之愚愚仰沐真不啻望歲矣謹按袁屬田糧查較通省有相懸至三十倍者最重之處相去亦不下二三倍夫使地果肥腴俯首供賦可也袁郡重山復嶺之中夙號磽确每年所入不足以贍其出賦稅從無完足之期

朝廷徒有重賦之名而無裨於實濟今據各縣所議不敢遠比會昌等處相去二三十倍者而僅求如接壤地隣比之安福新喻仍比最重之新喻新喻最重之上則每畝科米九升三合二勺三抄一撮較之別屬已爲極重矣至於元季明季冊籍歷年滋久無復存遺爲憑然屢

經兵火之餘幸郡志尙覓獲田賦一帙呈上憲覽亦足以知其梗概矣甦累朝之積困以息民疲定

昭代之典章而垂永久是在憲臺始終加惠也等因申詳部院奉批前因又奉批據守巡湖西道會詳前事奉批仰布政司併查報等因先該分守湖西道右參政張子璉分巡湖西道僉事鮑開茂會看得袁陽僻處山陬地瘠民貧而賦額較他郡獨重揆厥所由蓋起於明歐祥開報之誤以鄉斗作官斗計斗科糧因成積累兼以額欸各定祖制難移雖釐正各有其心而事係更張謀歸築舍積困三百餘年而未之甦也邇幸

聖朝蒞政百度維新民間之疾苦

國賦之盈虛在當事軫恤恩勤有聞必告此正凋疲袁

民得甦苦累之日也據詳以袁糧與通省相較有懸至

二三十倍或二三倍茲不敢遠比別屬卽例之新喻比

以上則尤爲加重其他可知也踐土食毛敢辭輕重但

以土瘠民貧之地賠累日久髓骨蕭然以敲朴而貽逋

賦之名何如一均減而實惟正之額法垂無弊爲可

耳總候尊裁其元季明季冊籍年久無存幸郡志中猶

有田賦一帙業據呈覽亦足以稍悉其概定一代之典

章甦萬民之積困恩出自天非本道所得擅也等因呈

詳部院奉批前因奉此併據道府縣移報同前緣由到
司據此并奉前因該左布政使盧震陽分守南瑞帶管
督糧道右參議遲日震會看得江右迺禹貢揚州之域
地勢形勝介山濱湖田惟下下猶載古典易於水旱難
於豐稔且又差繁賦重江右爲五磽至瘠之地而瑞袁
二府又江右之最下者幅幘旣窄人戶稀少而科糧獨
甲通省考之志載則瑞屬三縣在元至治年間編戶共
一十四萬四千九百五十有四至宏治年間編戶僅七
萬四千二百四十有四再考田糧則元至治年間共編
糧止一十二萬五千七百四十二石零至洪武年間編

糧至二十二萬五千三百五十二石零迨後增減不一
按明舊全書科糧二十二萬五千三百五十二石零稽
其田糧自元至明增加一倍稽其戶口自元至明逃亡
過半揆厥所由爲明初奸民黎伯安希圖爵賞將偽漢
陳友諒索餉倍徵之冊進獻遂爲定額奸雖伏法籍未
得改以致戶口益耗田地益荒夫元以十四萬戶之民
了一十二萬之糧猶稱民難堪命迨至明季則以七萬
戶之民而完二十二萬之糧苦累已極此瑞民之疲敝
不問可知矣即遇大有之年官徵至七分民鬻妻質子
而不能完則瑞地之磽薄又不問可知矣再查袁屬四

縣在宋崇寧年間編戶共一十三萬二千二百九十有九至宏治年間編戶止六萬六百一十有九自宋迄明八戶消耗強半矣查其田糧均係一則每畝科至一斗六升七八合不等較之隣疆安福縣上則民田每畝科糧七升二合零新喻縣上則田每畝科糧九升三合零者則重二倍矣然數縣皆同一壤土而起科輕重不啻天淵其禍起於明初僞將歐祥以三升之鄉斗報作十升之官斗遂倍其額自明迄今錢糧積逋從無完期逃囚不止叛變不常皆本於所入者小而賠累多故也袁民之疲敝衰地之磽瘠兩郡相較實同一班矣以是二郡之民徒受敲扑逋負之形官徒受怠緩催科之罰其在前朝亦徒受重斂倍徵之虛名也積累仍相沿而未改告派告減之詞每歲具控呼籲之口血未嘗乾也當時執事洞矚荼苦屢經上達民人望恩難下亦屢經叩闡明季止邀有官徵至七分免參之旨然又未及清汰以出民於水火之中今幸遇我

清御宇利弊民隱 觀臣咸令入 告此誠千載一遇堯天也故莊右轄安僉憲將二郡三百年之苦累虛糧圖繪上陳清汰承部覆奉

俞旨備查元季明季冊籍瑞袁二府科糧獨重或地係膏腴

或從前誤編緣由確實覆請本司道隨經移行該轄各道并各府縣欽遵確查去後今據該道府縣查具士民具控苦累緣由及瑞州袁州府志覆看得來委係明初奸民偽將投獻從前誤編又經本司道覆核無異合無呈請憲臺憐此數百年之重累速賜力請將瑞屬浮倍二十二萬五千三百五十二石六斗七升四合三勺之糧仍復宋元一十二萬五千七百四十三石二斗三升八合四勺之額袁屬每畝一斗六升七合八勺之悞科減照新喻九升三合之實賦如是二郡殘民漸獲生聚永無逋賦是我

皇上輕徭薄賦之政大有裨於治道矣等因呈詳到臣該臣巡撫江西右副都御史蔡士英看得瑞袁二府郡縣介在山阜聯亘之區土壤素稱沙瘠提封悉屬山隘求其沃野平原實無幾焉夫以此磽确之區而科糧偏重者蓋緣瑞屬三縣自明初奸民黎伯安妄徼爵賞以偽寇陳友諒索餉倍徵之冊抱獻遂爲定額今幸瑞郡志書尙覓有存考其田糧則元至治年間共編糧一十二萬五千七百四十餘石至明洪武間則增至二十二萬五千三百五十餘石迨後少有增減按見今明舊全書科糧二十二萬五千三百五十二石零矣稽其戶口元至

治年間編戶一十四萬四千九百五十有四至明宏治年間僅戶七萬四千二百四十有四矣自元至明田糧額增一倍戶口逃亾一半夫向以十四萬之戶完十二萬之糧後以七萬戶之民而完二十二萬之糧此輕重之數難易之形固自昭然可見者再詢袁陽四邑偏重之故因明初僞將歐祥歸附之時投獻冊籍誤以三升之鄉斗報作官斗之十升今元明二代冊籍無存幸獲明之志書所載重賦顛末不啻皎皎查其田糧均係一則每畝科至一斗六升七八合不等較之接壤之境如臨之新喻上則田每畝科糧九升三合吉之安福上則

民田每畝科糧七升二合夫以一地之土而賦稅重輕竟至倍相懸殊此尤易見之事也再稽之戶口在宋崇寧間編戶一十三萬二千二百九十有九迨至明宏治間止存六萬六百一十九矣其逃亾滅損之數亦與瑞州相等此二郡之志斑斑可考按戶口之數自宋元至明宏治年間已消亾過半而自宏治迄今又經數百餘載近來屢當兵燹驚散疫癘傷亾其中消耗之戶又不知凡幾而額載之糧總未減其毫末夫人愈少而賦愈重賦愈重則錢糧愈覺其難完所以年復一年轉相拖欠民徒受其敲扑官徒受其降罰散離相枕溝壑時盈

究之亦何補於

國賦也此在曩昔承平之時猶多積逋從無完期故牧斯土者曾以七分考成尙不能如期如式蓋無土而糧誠巧婦之難可以不問而知者今我

皇上親政以來洞切民隱諮諏博訪百度維新更令

覲臣各陳利弊與民更始此右布政使莊應會巡南道僉事安世鼎以身親目覩之大累而爲應

旨求言之直陳也倘沐

皇恩大沛鴻慈軫恤二郡三百年之積困將瑞屬之糧二十二萬五千之浮數仍復宋元一十二萬五千之原額袁

屬之糧每畝一斗六升七八合之誤科減照新喻上則每畝科九升三合之實賦度現在予遺得以安心茲土後來生聚必致盡力正供田野日闢

國賦日增實大有裨益矣今據該司道會詳前來除將二郡所存志書送戶部查考外臣謹會同江南督臣馬國柱合詞具題伏乞

勅下該部覆覈准與豁行臣等轉行遵奉施行等因順治十年九月十五日題十月二十七日奉

聖旨著議奏該部知道欽此部覆該臣等看得先該布政使莊應會奏瑞袁二府科糧獨重議清浮糧與各府相準

臣部請

勅該督撫查元季明季冊籍或地係膏腴或從前誤編有何
確據勘實具奏今該撫具題送到瑞袁二府志書瑞州
府志內稱明洪武田糧比元季多九萬九千六百九石
零袁州府志內稱明初每畝納米一斗六升五勺比元
季每畝多七升五勺共多米十萬八千一百二十五石
零較之新喻上則田每畝仍多米六升七合二勺六抄
九撮前後額數懸絕志書開載甚明

本朝有利必興無害不革何獨重累此一方民似應清減
以昭

皇上浩蕩之恩雖歷年舊額相沿但江西全省遞年荒歉在
在告蠲二府以極瘠之地有倍額之糧責之樂輸勢所
不能相應將瑞州府浮糧減照元季之例徵糧袁州府
浮糧減照相連之新喻上則田徵糧事關錢糧臣等未
敢擅便應請

聖明裁定者也既經該司案呈前來相應覆請恭候

命下臣部轉行遵奉施行等因順治十一年三月初四日題
初五日奉

聖旨這浮糧積久重困一方應從原額清汰著該督撫飭該
府縣官確遵減免毋得踵弊混徵有辜德意欽此欽遵

抄出到部送司奉此相應咨會案呈到部擬合就行爲
此合咨貴部院煩爲遵照本部覆奉

聖旨內事理欽遵施行等因准此擬合就行爲此仰司官吏
照牌內事理即便移行南瑞湖西守巡道轉行瑞袁二
府縣遵照併出示各縣通行曉諭兩府屬士庶人等知
悉要知積累三百餘年之虛糧荷蒙

聖明洞察立垂矜恤 大賜減免使瑞袁黎庶子子孫孫從
此無賠累矣爾士民務宜仰遵

鴻恩除減之外將應納錢糧亟行完納毋再拖欠如有奸
胥積蠹踵弊混徵以及派減不均者爾百姓人等指名

赴告以憑立拿正法俱各遵依毋辜德意併行各府縣
公堂豎立碑記將本部院題疏敘入刊刻成書入二府
縣志之內仍於藩司堂上併立碑文以垂永久俱無故
違等因到司奉此除移各道外合就飭行爲此仰府官
吏查照院牌併奉

聖旨內事理一體欽遵施行俱毋故違
兵米

皇清

本縣本色原解江南倉米改抵本省兵糧除七折折銀外
實存本色三分南米改充兵糧四千五百七十七石七

斗四升七合八勺 減浮米二千一百五十石三斗五

升五合八勺 原荒米二石五斗二升四合節年照荒 陸補說

又額外新陞米五石五斗六合 實徵兵米二千四百

三十二石八斗九升八合

一坐給袁州營兵丁月米二千一百三十三石七斗二

升六合七勺 乾隆四十七年奉准部文刪除公費十七 各應減本色米六十一石二斗歸於裁兵

米折項下 徵解外 實坐給袁州營兵丁月米二千七十二石五

斗二升六合七勺

一裁兵餘剩折色兵米三百六十石三斗七升一合三

勺 每石折銀六錢共該折銀二 百一十六兩二錢二分三釐

已上嘉慶十八年賦役全書查前項裁兵折色兵米三

百六十石六升二合案于乾隆四十九年因南九信三

衛所減徵餘租缺額奉文自乾隆四十八年為始每石

加價銀一錢九分二釐八毫九絲二忽二微六纖實在

加增兵折抵補餘租銀六十九兩四錢五分三釐

南糧等項費用 附

明萬歷三十八年間撫按以條編之後復有收糧收銀

為里甲困擾設法南糧官徵官解僉點吏役收櫃宜春

一縣每糧一石加派銀一分七釐五毫共銀一千一百

九十七兩三錢內將八百四十三兩給解糧官使費又

八十兩給南折解費後雖截出一百八十兩抵解宗祿然亦綽綽乎有餘矣又設天地人收銀三櫃每櫃吏一名書手二名每日工食銀各二分每櫃紙張油燭等項各四分計一月費銀三兩共銀九十兩又募夫答應守宿修理五十名每名歲給工食銀三兩六錢共一百八十兩餘銀三兩五錢存貯縣庫類候十年黃冊軍冊支用分萍萬雖派銀稍增分釐大畧相似總之里甲無煩民亦樂輸奈何行之數年有司惑於二三之說復派里長值櫃既已增銀又行加役豈惟一免二皮抑且困苦無已惟宜查照賦役全書仍舊吏書收銀給以工食無用里甲度良法美意民猶永沾云

御史房壯麗疏畧 附

明萬歷四十七年河南道御史房壯麗爲有司徵比錢糧火耗加收漸重懇乞聖明軫念民窮財盡亟勅部議禁革折封扣羨以惠元元事疏畧大抵謂近來有司加收火耗二十年前聞有加耗多者每兩不過五六分邇來聞每兩加至一錢或一錢五分者認分外爲固然以賸削爲常事嗟乎毫釐鏹銖誰非百姓膏脂忍聽其銜壑無厭至此乎乞勅有司改易前轍照依頒準法碼懸鑼平收聽納戶自行投櫃吏書不得經手折封加耗等

情到部覆疏如議奉旨錢糧折封加耗邇來通弊頃不
得已量爲加派若有司再行朘削民生何由得安依議
通行禁革違者著撫按官特疏糾叅追贓治罪司道等
官有容隱不報的一并叅處務期積習一清稱朕察吏
安民之意

撫院禁約碑刻附

明萬曆二十三年九月爲申飭條編以甦民困事先該
本院通知所屬衙門每以借用什物爲名百凡供應取
辦地方里甲民有兩條編之雜業行司道會議痛洗前
弊永杜釁門通詳兩院批允民甚稱快但恐法久弊滋

新官不知原行吏書巧立名色復派答應合行勒石爲
此示仰軍民人等各安心農商除應納錢糧赴縣應比
完納外其餘并無一毫取辦凡衙門公署什物已派官
錢置辦答應損缺亦官補修其地方火把俱是官備衙
役警捕永無別擾敢有吏書通同包攬之人蒙官出票
徵借及將里長拘留在縣作弊別生事端爲害者許赴
院道陳告究贓發遣官卽叅處決不虛言故示

雜稅

明

府四縣總洪武二十四年歲辦各色課鈔 茶課鈔一萬

三千三百六十一貫一百九十文 酒醋課鈔一千六百三十貫九百六十文 油榨課鈔一千五十七貫七百五十文 水碓課鈔一千三百五十貫六百文 水磨課鈔一千二百五十三貫八百文 府學地租鈔四貫四百一十文 商稅課鈔九百一十二貫二百五十四文 魚課鈔九百四十三貫一百二十六文 契稅一千三百八十七觔一十五兩四錢八分 魚鰓折納桐油七斤一兩六錢

宏治間歲辦各色課程鈔四千九百四十六錠三貫五百九十一文 茶課鈔八百三十六錠一貫四百六十六文 酒醋課鈔一百一十四錠二貫八百六十四文 油榨課鈔八十一錠四貫四百三文 水碓課鈔一百一十一錠一貫六文 府學地租鈔一貫四百七十文 山租課鈔一十三錠一貫二百八十四文 竹木山租鈔三千四百三十五錠四貫三百五十二文 沒官房地租鈔一百六十九錠三貫六百九十二文 廢寺地租鈔一貫一百文 櫻樹課鈔四貫六百六十九文 磚瓦窰課鈔四錠一貫六百文 麤瓦窰課鈔十錠 黑瓦窰課鈔四錠二貫一十文 學院地租鈔一貫六

百四十文 茶引油課鈔一百三十九錠二貫四百四十五文 商稅課鈔一萬四千三百九十六錠四百三十四文 比附課鈔二百六十九錠三貫二百二十文 契稅工本鈔三百五十六錠四百二十六文 魚課鈔四百七十一錠一貫一百一十一文 魚油折納桐油九百八十觔一十三兩六錢八分 魚鰾本色二觔一十一兩折色一觔一十兩折納桐油一觔一十兩

正德年間同前

皇清

府四縣商稅銀一百五兩八錢八分水脚銀二兩九錢六

分四釐六毫四絲 每年於城市行店徵銀解司完餉 濠塘租銀三十

九兩四錢八分 操場土租銀一十兩二錢九釐 廣

澤橋畔店租銀二兩一錢 已上三款原徵貯府庫修城動支 狀元洲

土租銀一兩四錢五分 原徵貯府庫備備羊助祭高士祠 已上各款

內減免細微難徵商稅銀二十兩五錢實徵銀一百四

十一兩五錢八分三釐六毫四絲今一併入起運項下

由本府經徵解司

本縣雜辦課鈔商稅魚油正脚山租淺鈔等款銀俱詳科則內

附載起運田房稅契 原無定額例係儘收儘解 牙稅銀一十一兩

茶課銀四兩五分 紙價銀八分九釐九毫一絲 已
上共銀一十五兩一錢三分九釐九毫一絲 此銀編徵
如有增減

據實
報解

土貢

府四縣

唐歲進白苧十疋

宋淳熙間上節日歲進銀二百兩耗銀四兩鐵一萬六千

九百觔

元延祐間歲進鐵二萬五百觔 至元間歲進雜色皮二

百七張

明歲進茶芽一十八觔活野味六十隻歲辦翎毛二百七

十二根雜毛皮一千六百九十張歲造弓二千張箭二

萬枝弦一萬條

皇清歲進薦新茶芽一十八斤額編起運項下本色徵解

其活野味歲辦翎毛雜毛皮弓箭弦各欸按全書俱入

起運項下折色徵解 歲辦本色苧布五千四百九十

六疋二丈共價墊脚銀一千二百六十四兩二錢三分

三釐四毫一絲 已上本色苧布現奉停辦仍入起運

項下徵銀起解

本縣現辦本色物料甲字庫銀硃四斤三兩八錢七分 每

價銀四錢六分該銀一兩九錢五分一釐二毫六絲二忽五微鋪墊銀四錢六分六釐六毫六忽二微五纖水
脚銀五分四釐六毫三絲五忽三微五纖
共銀二兩四錢七分二釐五毫四忽一微
添辦銀硃

一十四斤一十三兩 每斤價銀四錢六分該銀六兩八錢一分三釐七毫五絲鋪墊銀一

兩六錢二分九釐三毫七絲五忽水脚銀一錢九分七毫八絲五忽共銀八兩六錢三分三釐九毫一絲

又添辦銀硃一十四斤一十三兩 每斤價銀四錢六分該銀六兩八錢一分

三釐七毫五絲水脚銀一錢九分七毫八絲五忽共銀七兩四釐五毫三絲五忽
又添辦銀

硃二十二斤三兩五錢 每斤價銀四錢六分該銀一十兩二錢二分六毫二絲五忽水

脚銀二錢八分六釐一毫七絲七忽五微
共銀一十兩五錢六釐八毫二忽五微
五梘子二

斤一兩 每斤價銀三分五釐該銀七分二釐六毫八絲七忽五微

微水脚銀二釐二毫二絲一忽二微五纖共
銀九分六釐八毫九絲六忽二微五纖
添辦五梘子

三斤七兩五錢一分六釐 每斤價銀三分五釐該銀一兩二錢二分一釐四毫四絲一忽

二微五纖水脚銀三釐四毫三忽五微五纖五沙共
銀一錢二分四釐八毫四絲一忽六微五沙
復辦

紫草一斤 價銀三分一釐鋪墊銀一錢四分一釐八毫六絲

八忽 復辦苧布二千四百三十六疋二丈 每疋價銀一錢二分又於

水脚內扣出一分仍歸正額共該銀三百一十六兩七錢六分六釐六毫六絲水脚銀七十三兩一錢七毫五

絲共該銀五百六十兩四錢三分三釐四毫一絲
丁字庫桐油一十四斤九

兩九錢 每斤價銀三分該銀四錢三分八釐五毫六絲二忽五微鋪墊銀一錢一分六釐九毫五絲水

脚銀一分二釐二毫七絲九忽七微五纖共
銀五錢六分七釐七毫九絲二忽二微五纖
改辦桐

油三斤七兩三錢六分四釐五毫 每斤價銀三分該銀一錢三釐八毫八忽

四微三纖七沙五塵鋪墊銀二分七釐六毫八絲二忽
二微五纖水脚銀二釐九毫六忽六微三纖六沙二塵

五埃共銀一錢三分四釐三毫九絲七忽三微二纖三沙七塵五埃 添辦桐油七十四

斤一兩 每斤價銀三分該銀二兩二錢二分一釐八毫七絲五忽水脚銀六分二釐二毫一絲二忽五

微共銀二兩二錢八分 已上本色物料正墊脚共銀

五百九十二兩四錢一釐

起運

明

本縣夏稅京庫折銀一千七百五十九兩零 農桑絲絹

銀二百八兩九錢零 秋糧京庫銀五千一百九十三

兩零 南京倉本色正米一萬一千二百一十九石九

斗七升 副米四千三十九石一斗 船驢脚費銀五

百七十一兩五錢零 載批解部銀二百九十八兩零

南京苧布本折色銀三千八百二十兩零 南京棉布

本折色銀一千二百一十三兩八錢零 北京庫本色

苧布正價脚墊銀二千八百六十三兩零 折色苧布

銀共一百四十兩六錢零 南京苧布改折一分銀共

一百六十七兩六錢零 舊例派剩米正脚耗銀六百

八十一兩六錢零 改派苧布折舊例派剩銀共九十

七兩八錢零 四司料銀一千一百三兩四錢零 黃

蠟本折色銀三百八十兩二錢零 菓品銀二百一十

九兩九錢零 牲口銀三百八兩零 甲丁二庫顏料

銀六十三兩五錢零 折色苧布正脚耗銀共一百四十兩六錢 鋪墊銀一十兩五錢二分二釐五毫

皇清

本縣折色起運戶禮工三部併裁解各款共銀五萬一千一百四兩八錢二分四釐 內題減浮糧銀二萬三千二百四十三兩五錢五釐 除荒亾銀八十兩三錢七分 節年墾補及額外新增共銀二百三兩二錢三分四釐 實徵銀二萬七千九百八十四兩一錢八分三釐 內除辦解本色物料銀五百九十二兩四錢一釐 原額并新增文昌帝君品儀歸入經費驛站項下銀四

百一十四兩九錢三分六釐外實解起運地丁銀二萬

三千四百二十一兩八錢六分九釐 遇閏加銀一百四十三兩五錢四釐

起運驛站銀三百九十五兩四錢 遇閏加銀二十二兩九錢五分 脚

耗銀二百二兩六錢五分七釐 遇閏加銀三錢八分八釐 起運折

色物料正墊脚銀二千九百五十六兩九錢二分

外解道協濟隨漕銀共二千五百九十四兩四錢六分

減浮銀三百四十九兩六錢九分 原荒亾銀四兩二

錢三分九釐 節年照荒 陸補苴 又額外新陞銀四兩八錢三

分二釐 實徵銀二千二百四十九兩六錢二釐

存罷

明

本縣大府祿米銀二百九十一兩九錢零 代徵峽江縣

大祿米銀四十兩九錢零 新增各祿米銀四百四十

三兩九錢零 新封銀五百九十七兩三錢零 牛租

改派司庫銀一兩九錢零 本府倉米銀二千九百八

十六兩五錢零 本府儒學倉米銀三百四十五兩

本縣儒學倉米銀一百八十兩

按明縣丞項下俸銀二十四兩二錢二釐薪銀二十四

兩書辦一名工食銀七兩二錢門子一名工食銀七兩

二錢皂隸四名工食銀二十八兩八錢馬夫一名工食

銀七兩二錢秀江驛丞項下俸銀一十九兩五錢二分

薪銀一十二兩書辦一名工食銀七兩二錢皂隸二名

工食銀一十四兩四錢今俱裁

皇清

本府知府項下俸銀一百五兩 門子二名工食銀一十

一兩八錢 馬快十名工食銀五十九兩 步快一十

六名工食銀九十四兩四錢 轎傘扇夫七名工食銀

四十一兩三錢 皂隸一十六名工食銀九十四兩四

錢 庫子四名工食銀二十三兩六錢 已上知府項

下俸食共銀四百二十九兩五錢

本縣知縣項下俸銀四十五兩 門子二名工食銀一十一兩八錢 皂隸一十三名工食銀七十六兩七錢 伴作二名學習伴作二名工食銀一十七兩七錢 馬快八名工食銀四十七兩二錢 民壯二十九名工食銀一百七十一兩一錢又增給置辦器械銀五十八兩 共銀二百二十九兩一錢 看監禁卒八名工食銀四十七兩二錢 轎傘扇夫七名工食銀四十一兩三錢 庫子四名工食銀二十三兩六錢 斗級四名工食銀二十三兩六錢又府倉改歸縣倉斗級六名工食銀三十五兩四錢 已上知縣項下俸食共銀五百九十八

兩六錢 典史項下俸銀三十一兩五錢二分 門子一名工食銀六兩 皂隸四名工食銀二十四兩 馬夫一名工食銀六兩 已上典史項下俸食共銀六十七兩五錢二分 儒學項下教諭一員訓導一員俸銀各四十兩共銀八十兩 齋夫三名工食銀三十六兩 門子三名工食銀二十一兩六錢 已上儒學項下俸食共銀一百三十七兩六錢 黃圃澗富二巡檢項下俸銀各三十一兩五錢二分共銀六十三兩四分 皂隸各二名共工食銀二十四兩 已上二巡檢項下俸食共銀八十七兩四分 府學廩生四十名廩糧銀八

十兩

遇閏加銀六兩六錢六分七釐

文廟朔望香燭銀一兩八錢

遇閏

加銀一錢五分

府歲貢酒禮銀五兩

已上三件俱解府共

銀八十六兩八錢

遇閏加銀六兩八錢一分七釐

縣學廩生二十名

廩糧銀四十兩

遇閏加銀三兩三錢三分三釐

文廟朔望香燭銀一

兩八錢

遇閏加銀一錢五分

春秋祭祀銀一百三兩三分一毫

六絲

內府支廟祭銀二十八兩四分四釐四毫崇聖祠祭銀六兩各官鄉賢二祠各祭銀二兩一錢一分

三毫四絲龍王廟祭銀八兩五錢縣文廟祭銀四十一兩二錢四分四釐四毫崇聖祠祭銀六兩各官鄉賢二

祠各祭銀二兩一錢一分三毫四絲忠義節孝二祠各祭銀二兩社稷壇祭銀八兩山川風雲雷雨城隍壇祭

銀八兩郡厲壇祭銀十兩八錢外交廟祭祀不敷于公項內增添府學銀十二兩縣學銀二十四兩實共增銀

三十兩

備祭關帝品儀銀四十兩

新增備祭文昌帝

君品儀銀二十六兩 春冬鄉飲酒禮銀六兩一錢五

分 歲貢酒禮銀二兩五錢 孤貧一十名糧布銀三

十六兩 遇閏加銀三兩 澗富黃圃二巡檢司弓兵一十名工

食銀一十八兩 遇閏加銀一兩五錢 改編吹鼓手八名工食銀

三十九兩三錢三分三釐三毫 遇閏加銀三兩三錢三分二釐八毫 已

上十件存縣項下支給共銀三百一十二兩八錢一分

三釐 遇閏加銀一十一兩三錢一分六釐 已上自知府起至吹鼓手止

共銀一千七百一十九兩八錢七分三釐

驛站項下起存銀兩

驛站項下原書編載裁遞夫工食銀一百四十兩四錢差

馬工料銀八十六兩四錢馬夫工食銀二十一兩六錢
鋪司兵工食銀二十七兩廩給口糧銀五兩水驛紅座

等船水手工食修造工料等銀一百一十五兩共原歸

解司起運銀三百九十五兩四錢遇閏裁銀二十
二兩九錢五分

現存走遞人夫一十二名工食銀一百二十九兩六錢

遇閏加銀一
十兩八錢 差馬四匹工料銀一百一十五兩二錢

遇閏加銀
九兩六錢 馬夫一名工食銀一十兩八錢遇閏加
銀九錢

鋪司兵三十八名工食銀二百五兩二錢遇閏加銀一
十七兩一錢

已上驛站項下共銀八百五十六兩二錢內歸解司起

運銀三百九十五兩四錢遇閏裁銀二十
二兩九錢五分 存留本縣支

給銀四百六十兩八錢扣除小建歸入起運遇
閏加銀三十八兩四錢

知縣王忻奉檄酌議應裁八款附

宜春除南米本折俱照舊外其京庫正額不可減矣惟

派剩一項共正脚銀七百七十九兩五錢一分加增一

項正脚銀七千五百八十五兩八分二釐四毫原係額

外派剩與加增之數其可議裁者一也又查得京庫苧

布一欸本折并墊脚銀三千五百一十七兩九錢五分

四毫此項在前朝久為無益之費每一報克機戶錢糧

到手浪自花費及至追布不應脫逃規避吏緣為奸追

呼徒擾極為民害已非一日迄今殘破之餘機戶不存

經收不敷紙上虛額竟無實用目今

聖明蒞政織造尙且停止諸貢且蒙蠲恤况此一項無益實
用久屬厲民所當議裁者二也又查宜邑賦役全書原
額解司克餉銀止五百四十五兩七錢五釐六毫今奉
經制新設袁鎮官兵月餉并司餉一萬七千四百兩三
錢二分三毫八絲三忽皆係裁前朝宗祿南部雜項改
抵在前朝尙屬可緩今已改爲第一急需刻期完解恒
虞不敷舊額原載團操民兵銀一千一十四兩六錢今
旣設鎮兵又設民兵重費無益則民兵一項可議裁者
三也又查額編夫馬共銀二千五百六十七兩已奉

欽定應付條例夫馬自無多用量裁一千二百六十七兩二

錢四分八毫九絲五忽以舒民困其可議裁者四也又

查經費已經裁定舊編府縣公費共銀四百二兩五錢

八分一釐三毫三絲三忽未載經費錄內其可議裁者

五也又查本府倉米一項除改克兵餉并經費外餘銀

一千二百零八兩九錢五分二釐七毫五絲近因漕船

缺額奉改助造漕船竟無實濟擬裁以垂永久其可議

裁者六也又查黃蠟一款本折正脚銀三百八十兩二

錢一分六釐此項爲數無幾亦非本土所出其可議裁

者七也又查農桑絹價除原額外新增銀五十一兩五

分三釐一毫弓箭弦條除原額外新增銀六百二十八兩八錢七毫三絲七忽五微胖襖褲鞋除原額外新增銀六十九兩二錢五分四釐四毫軍器民七除原額外新增盛甲銀二百六十二兩九錢九分一毫四絲六忽此係新加增四款共銀一千一十二兩九分八釐三毫八絲三忽五微今原額尙不能完以濟實用見奉核實減派則此項新增萬難加徵并乞永賜免增以杜偏累其可議裁者八也其餘仍應裁銀二千七百三十二兩九錢一分九釐二毫六絲七纖或于京運或于裁汰兵餉款內量裁以足應減之數非身職所敢議也署府事爾

四差 附

明

推官王延禰此條議數欸皆切地方大利大害急宜興除者也非該縣久歷殘邑痼瘼切身不能言之鑿鑿乃爾

按明役法有四曰里甲曰均徭曰驛傳曰民兵皆所謂力役之征也萬歷初年題准行一條編通計縣歲所應起存支用差銀若干兩俱于丁糧內均派徵銀在官凡官府所當取辦使客上司供應一應在官諸役夫馬等項悉官給銀買辦僱募而不與於民里甲止是催徵

自條編以後有司有擅用里役者法叅奏今雖無四差名色而編定本縣額銀與今有異姑存之俾識其概

一里甲項下額編銀五千一百三十七兩二錢三分八釐三毫 起運茶芽五斤六兩茶價解銀八兩二錢五分 南京匠二百二十六名局匠一十九名共銀一百二十兩七錢水脚銀九錢六分五釐六毫 弓箭弦條銀折價年分編銀四百九十四兩一錢三分外水脚銀一十一兩三錢六分五釐餘料年分編銀六百五十八兩四錢五分一釐八毫水脚不編 胖襖褲鞋六十四副該銀九十六兩如造料加花價一十一兩五錢二分

水脚不編 神器軍器共銀六十六兩九錢二分九釐四毫 兩京藥材價銀七兩五錢四分七釐八毫外水脚銀一錢七分三釐六毫 歷日紙價併匠作工食銀三十兩一錢三分七釐三毫 科舉并椅桌銀九十九兩二錢三分八釐六毫六絲七忽 淺船料價銀九十四兩四錢六分 野味價銀一兩八錢三分 會試舉人水手六名共銀四十八兩 加編府公費銀九十二兩七錢 改編府觀路費擡冊夫價銀二十兩 萬壽千秋冬至正旦共一十三兩二錢 春秋祀典銀共一百三十三兩八錢八分八釐 鞭春塑造春牛芒神等

銀四兩三錢四分 門神桃符銀一兩四錢四分 鄉
飲酒禮銀二十五兩八錢 府縣官職事新任祭宴修
衙家火銀共一百一十一兩三錢二分 府縣公座桌
帷銀一十五兩一錢二分一釐五毫 府縣應朝造冊
紙張工食并綾緞銀二兩六錢六分六釐六毫 新增
改縣觀路費并擡冊夫價銀二十九兩六錢六分六釐
六毫七絲 考試操練等銀六十八兩五錢 府縣應
試膳錄生儒路費花紅酒席書手工食銀四十兩六錢
六分三釐三毫 府縣歲貢酒禮銀七兩五錢 縣公
費銀二百九兩八錢八分一釐三毫三絲三忽 答應

上司箱單架板鎖冊等銀四兩 答應燈籠火把銀共
九十四兩八錢二分六毫三絲 修理分司置辦器物
等銀三十五兩 府學教官一員縣學教官三員共銀
三十二兩 湖廣黃圃巡檢二員共銀二十四兩 走
遞人夫一百六十一名共銀一千一百二十七兩 走
遞差馬一百二十四匹共馬價工料銀一千四百四十兩
縣轎傘夫五名共銀三十一兩 走差皂隸四十名共
銀一百二十兩 孤貧冬布銀一十四兩八錢 刷印
版經錄票銀二十六兩九錢三分九釐六毫 管解糧
差路費銀六十六兩七錢八分六釐五毫

一均徭項下額編銀二千六百五十六兩六錢四分六釐一毫 起運北京富戶四名共銀一十二兩外水腳銀二錢七分六釐 牌坊銀四十七兩五錢六分二釐八毫 武場支應銀每年四兩武舉水手銀每年一十二兩 扣革黃湖二司弓兵銀三十二兩四錢 新增協濟昌平州銀六兩八錢七分五釐 布政司并清軍道書手二名共工食銀一十四兩四錢 守西道廩給銀六十四兩八錢 按院皂隸七名轎傘夫七名共一百兩八錢 府官二員共八十兩 府各官柴薪五名共六十兩 府公堂心紅紙劄油燭銀四十四兩 府

門皂轎傘夫工食銀共一百一兩八錢 府庫夫一名 庫書一名共一十兩八錢 府濫儉二廩倉夫二名編銀二十八兩 府隸子五名工食刑具共三十五兩 府學齋夫二名膳夫四名共一百四兩 府學祭器庫子二名門子六名共五十七兩六錢 府歲貢盤纏銀五十兩 看守兵道門子半名工食銀二兩 宣風公館祇應并僱募廚役工食置辦家火等銀二十一兩 秀江驛館夫六名共銀三十六兩 秀江驛廩給銀一百八十一兩 縣官四員共一百六十兩 縣官柴薪九名共一百八兩 縣公堂心紅紙劄油燭銀七十兩

縣門皂工食共銀九十五兩 縣答應皂隸十名共三

十六兩 縣庫夫二名庫書一名共一十四兩四錢

縣倉夫銀二十八兩 縣禁子七名共四十九兩 縣

學齋夫六名膳夫二名共一百一十二兩 縣學祭器

庫子二名門子五名共五十四兩四錢 縣歲貢盤纏銀

二十五兩 新增華山筠谿二王廩糧并各役工食共

十兩 各王府校尉銀共二百六十四兩 澗富嶺

巡檢司弓兵十五名黃圃巡檢司弓兵十七名共工食

銀一百一十五兩二錢 鋪司兵五十名共銀三百六

十兩 看守布按分司分巡道門子各一名共銀六兩

宣風彬江二公館門子各一名共銀四兩 備補銀四

十三兩三錢三分二釐三毫

一驛傳項下額編銀七百八十七兩四錢四分八釐三

毫 起運鎮寧驛上馬三匹共銀八十八兩二錢外火

耗銀四錢四分一釐 金臺驛中馬一匹銀二十六兩

六錢外水脚銀六錢一分一釐八毫 南京會同館上

馬二匹共銀八十四兩外水脚銀一兩九錢三分二釐

南京江淮衛馬船水夫一百一名七分共五百八兩五

錢外水脚銀一十一兩六錢九分五釐五毫 存留秀

江驛供事夫七名鋪料銀一十五兩六分八釐共銀六

十五兩四錢六分八釐

一民兵項下額編銀二千七百六兩三錢五分六毫

起運解司克餉銀五百四十五兩七錢五釐六毫 存

留隊長二名共銀十九兩二錢 防守銅鼓黎源二處

民兵二十一名共銀一百六十八兩 團操民兵一百

一十四名共銀一千一十四兩六錢 縣防守差操民

快一百六十五名共銀八百五十八兩 應捕兵府四

名縣十名共銀一百兩八錢

一帶徵戶口食鹽錢鈔額編銀二百八兩三錢九分二

釐七毫 起運銀一百三兩一分一釐七毫外水腳銀

二兩三錢六分九釐三毫 存留銀一百三兩一分一

釐七毫

謹按

國朝四差皆裁一仍條鞭舊規應編錢糧俱在起運存留
項下編徵起解

禁革坊長催糧案 附

具呈鄉官袁業泗等爲乞請釐弊彌害以甦積困事竊
以國朝版籍止有里甲相維第因里役居鄉雜差難應
始設坊長支措復緣雜差煩冗酌議詳報請旨奉行一
條編例而分宜萍鄉萬載三縣久無坊長名色惟宜春

一縣雖奉裁革而猶結黨營窟邇來相沿蔓長作孽彌天或營催趲而下鄉或濫詞訟而抵里或無事而索常例或藉手而噬骨髓萬一鯨壑未饜狼心隨肆遂報貧民而爲殷實遂報老懦而克壯丁遂報淳良而爲負逋遂報頑愚而克書算遂捏靖安而爲異亂遂報孤子而克酒亭遂報窮乏而爲米戶遂報單寒而作機夫甚至假美名而陰行吮害則爲太使有報農民有報遼生有報藉醜惡而明恣剝削則如盜賊有報窩戶有報而工匠亦有報可憐酒不以爲漿佩不以爲長因害而鬻田產者有之因害而告流徙者有之因害而投河自縊服

莽食毒者莫不有之種種作害罄竹難書况問催趲則各里承年此其可釐者一問奔走則當事有皂快此其可釐者二問答應則支度有錢糧此其可釐者三問保甲則該局有村保此其可釐者四是坊視里爲網利之藪里視坊爲陷阱之區籲天憐准裁革飭縣勒碑大彰麟筆庶免秦屠在目前則合郡受其福在異日則千載庇其庥士民焚頂曷其有既上呈崇正九年六月縣爺章批已經批拘現年查審此輩吞噬里甲本縣稔知久矣况三縣糧差坊長并未聽差但各現年須先輸納不須催督則坊長亦無所用候酌定申詳以坊催坊以里

催里可也府爺蕭批催徵止用現里督速遞年與坊長原不相涉何宜春之里乃轄於坊也其流弊至於操縱由已需索無厭際此凋弊之時誠不可不亟爲釐削該縣議革坊下鄉惟聽里自催誠爲確見仍候院通批詳勒石以垂永久繳廵道批坊長旣爲民害自應永革仰候院司示行繳都院批仰候按院批示遵行繳按院批錢糧原屬里下催徵何該縣獨以坊長轄里役致流弊無窮耶仰該縣立石嚴禁繳

官徵官解碑文

附

糧稅賦也起解役也役有催役差役者昔司馬君實與王荆公兩持之矣自一條編行計差徵銀官自募役則已行催役之法矣民於歲賦之外宜不見一役之及已也江右多屬有官收官解者有民收民解者亦有官收民解者亦有民收官解者事例參差不一不知額徵內秋糧之外有糧銀糧銀之外有差銀所謂四差者里甲均徭驛傳民兵是也旣徵其銀以募役復驅其身以應役在

功令則仍催役之規在百姓不免衙門之擾條編之外更加條編是再役民也且不特此也僉報殷實吏書承行營票有例胥役下鄉脚費有例殷實蒙官豁免銷票有例

其不免者依准執結有例况又所報殷戶不必皆實幸而免者皆非無因一報一免無役而役通縣皆役也蓋粟米絲枲之供當論其產轉輸營運之事當論其才所論才者不必盤根錯節罄控縱送之才也官收官解胥役歲歲承克輕車熟路里甲省役強食亦少惟不論才而論產不但咕嗶之士耒耜之農以及孤兒寡婦之家不能供役即使強壯精敏之人既非諳練不知肯綮一到衙門舌咋股栗于是包攬之家乘機愚弄通同胥吏瓜分及至糧不得完櫃有侵漁深逃高飛杳不可問致令里長析骸賣子以應此無端之累尙忍言哉今據督

糧道張參議守西道蔣僉事俱議官收官解盡革解戶值櫃值倉諸役永著成例至於起解雜費自應取給條編不得分外科派第念今昔異軌食用浩費或每糧一石量派幾分以致權宜度幾衆擎易舉均派無私凡本折二色以及上供各件輸納在民而運解在官自納糧在倉投銀于櫃二事而外毫不取乎民間正賦正役貼結無累不許議幫議貼或補或賠名爲官解之利陰係民運之害則官吏從重參處其於便民之政未必無小補云上供各件如北布之類是也本折二色解司解楚是也順治九年十一月

宜春縣志 卷一
毀碑復設公呈 附

宜春縣鄉紳陳之龍舉人袁繼梓貢生潘于遠生員袁士璋等呈為徵解經收二策

新朝第一美政日久法廢舊弊滋起伏乞飭暨原碑從實遵行便國便民事宜春賦役繁重視江省尤為獨苦初年鼎革之際弊政多端民不堪命至于徵解經收兩事差外派差弊中滋弊順治九年十一月內蒙前任按院張具題申飭將徵解經收二條勒石暨碑遵行初政稍去湯火不意近年以來偃碑弗暨法久政靡夙弊滋甚革解差復追解差徵四差復派雜差值櫃仍開里長解

糧雜僉解戶視

國法若弁髦等前令若故紙茲蓋伏遇太公祖老人澄澈底明察秋毫保赤如傷去疾務盡懇乞勅縣重加申飭實在舉行著令本年坊里勒限三日內暨原碑于縣門庶小民免繁苛之累而國課無逋負之愆矣為此具呈須至呈者順治十六年二月日呈

府批錢糧官徵官解久奉

明旨誰敢有違呈為偃碑不暨法久滋弊等情係何官任內所為抑該縣今日忽爾藐玩是否真實即明白具文呈報以憑申究速速通行申飭勒碑縣門永著為例

宜春縣爲

聖朝百政聿新賦役猶爲急務等事奉本府知府曹紙牌前
事蒙袁臨吉兵備分巡湖西道按察司僉事鮑憲牌併
奉分守湖西道蔣憲牌督糧道右叅議張憲牌併奉布
政司左布政盧蒙巡撫江西監察御史張憲牌具題前
事行司道府縣速將催徵起解二條著實遵行於縣大
門下勒石等因奉此合就豎碑曉諭百姓通知須至牌
者

計開二策催徵

朝廷錢糧法在必徵踐土誰敢逋負其所以

國課不足民生日蹙皆戶書總書之積弊使然也凡一縣之
丁產錢糧一甲之額數多寡盡在掌握今藉口變亂冊
籍無存官府不知臨比之日開列單數之完欠民之刑
責胥憑之矣由是一紙限單小民之性命各總書之錢
樹也受賄之甲畧開一二以應點卯無復錢糧爲念無
錢糧之家多開其數甚且完過之數不入前件雖有廉
能之吏本無會計之月日敲日扑如醉如夢或怨小民
頑梗或怨青衿把持不念催科無法竭斯民之脂膏供
差役之需索比較之杖錢尙不足奚暇完正課乎所以
徵比愈嚴逋欠愈甚一種極惡極愚有司復爲遞年應

比之說徵比秋糧不論本年經催皆各一同應卯是年
年經催也徵比條編銀不獨本年里長卽排年亦取應
卯是戶戶里長也每月無日可寬每遞無日可免耕耨
廢業老羸斃途長吏若此不必其受賍枉法也卽此厲
政可盡殺一邑之老幼男婦而有餘矣今催科之法如
廣信推官朱衣點之議立實徵冊署崇仁縣王之彌之
議立循環冊皆力可行本院復加裁定每甲于初春頒
給一部實列甲內其幾戶每戶資產若干人丁若干該
銀若干額派米若干該銀若干分作四季每月三限完
過數目實開其上臨比之日執冊自陳完者昭然可計
欠者亦昭然可稽如是則實完在官實欠在民挪移出
納之弊盡杜而錢糧無不清矣且本年里長催徵本年
錢糧每有頑戶拖欠至累里長賠納叫呼不應今既有
花戶實開冊上應比之時里長就中摘出欠多者票出
縣官當堂加一紅圈里長執冊行催下卯不完又加一
圈三圈不完然後縣官出一差立刻追完仍扑懲之如
是則花戶不累里長不累官不煩敲扑民可省雜費公
私兩利雖至刁頑無從躲閃無容藉口矣催徵之法莫
善於此

戶口 附

唐元和郡縣志載袁州開元戶二萬三千三百三十五元和戶一萬七千二百二十六新唐書載袁州戶二萬七千九百三十四萬四千九百九十六

宋大中祥符間戶三萬二千七百五十六口五萬七千五百九十四

明洪武二十四年戶二萬八千一百二十六口十一萬四千三百七十六永樂十年戶一萬四千九百七十七口十二萬二千七百七十二宏治十五年戶一萬八千一百二十七口十二萬六千三十二正德間數同前嘉靖

二十一年戶一萬七千八百五十五口十二萬六千三百七十三萬歷四十年戶一萬七千七百九十五口四萬三千二百五十六

皇清原額人丁婦女共五萬五千三百三十二丁口內優免

人丁六百九十九丁

各派徵不等

原額起存各款銀共一千

三百八十二兩七錢三分內於順治十一年題

准開除逃亾人丁五百三十四丁該減銀五十五兩四錢三

分五釐九毫于康熙元年編審新收補足外又自康熙七年起至五十年止各屆編審新增人丁四百八十九丁該增銀五十兩七錢六分四釐六毫見在男婦共五

萬五千八百二十一丁計編銀一千四百三十三兩四

錢九分四釐六毫

一人丁原額一萬一千三百七十七丁

每丁編銀一錢三釐八毫一絲

二忽六微八纖原共編銀一千一百八十一兩七分六釐七毫

內除原逃亾五百三十四丁該減銀五十五兩四錢三

分五釐九毫於康熙元年編審新收補足外又新增人

丁四百八十九丁該增銀五十兩七錢六分四釐六毫

見在人丁一萬一千八百六十六丁計編銀一千二百

三十一兩八錢四分一釐三毫

一婦女原額四萬三千二百五十六口

每口編銀三釐七毫六絲六忽

二徵計編銀一百六十二兩九錢一分一釐六毫

一優免人丁六百九十九丁每丁編銀五分五釐四計毫二絲四忽四微六纖計

編銀三十八兩七錢四分一釐七毫又順治十四年奉

文補徵免外扣解不准紳衿優免丁銀一十八兩四錢

七分九釐一毫

已上共計丁口銀一千四百五十一兩九錢七分三

釐七毫

又附載棚民人丁一百三丁每丁徵銀一錢四釐四毫一絲九忽三微七纖計

編銀一十兩七錢五分五釐二毫婦口三十口每口編銀三釐

七毫六絲六忽二微二纖計編銀一錢一分三釐棚民丁口共編銀

一十兩八錢六分八釐二毫

已上共計丁口扣解并棚民增徵共銀一千四百六

十二兩八錢四分二釐於雍正五年奉文攤派通省

地糧內均勻帶徵現應增徵銀一千五百八十一兩

一錢一分四釐實徵銀三千四十三兩九錢五分六

釐仍俟五年將陞減各數照例均攤

又附載分徵袁州衛原編完賦屯丁一百五十五丁每

編銀一錢三釐八毫一絲二忽六微八纖計編銀一十六兩九分一釐於雍

正五年奉文攤派通省屯糧內均勻帶徵現應歸併該

縣屯糧項下攤帶徵納應減徵丁銀一十二兩一錢六

分五釐實徵銀三兩九錢二分六釐遇閏年帶徵閏銀七分仍俟五年將
陞減各數照例均攤

又附載分徵南昌前衛原編完賦屯丁二丁每丁編銀一錢三釐
八毫一絲二忽六微八纖計編銀二錢七釐六毫

已上屯丁銀兩於雍正五年奉文攤派通省屯糧內
均勻帶徵各屆并無滋生

又康熙五十二年欽奉

恩詔以五十年丁冊定為常額續生人丁永不加賦自康熙五
十五年起至乾隆三十六年各屆編審新收抵補開除
外實共

盛世滋生人丁七千七百四十八丁屯丁一千七百三十二

丁俱遵

恩詔永不加賦其婦女于乾隆十一年人丁屯丁于乾隆三十七年先後奉文停止編審

已上俱遵照嘉慶十八年賦役全書編入

附載老荒殺戮逃絕棚民戶口新增契稅錢三事條

陳原文

宜春縣知縣王詳請具題開除無徵賦稅三事康熙二
十一年五月初九日奉總督部院于憲牌為諮訪利弊
以備採擇事照得大弊不革則大利不興一縣有一縣
之利弊一鄉有一鄉之利弊自當因地制宜相時因革

但兩江幅帙遼濶一時耳目難週端在賢有司殫心匡理庶國計民生兩獲安全况江西兵燹遺黎瘡痍未起尤宜加意釐剔以臻至治凡有利國利民所當興者幾何事害政害民所當革者幾何弊該縣身在地方見聞必確合行諮訪爲此稟仰該縣官吏照票事理卽將該縣地方官政民情有宜於昔而不宜於今利於官而不便於民或利所當興慮阻撓於勢要或弊所當革苦積習之因循其最關民瘼安上全下事宜該縣務須明白指陳本部院虛衷採擇極力舉行毋得假公濟私舍大言小浮詞據拾徒煩披閱并不許由司道府轉詳致滋格碍等因康熙二十一年七月十二日宜春縣知縣王條陳請題徑詳前事奉此該知縣王光烈捧檄跪讀之下仰見憲臺爲

國爲民力正頽風務臻至治之婆心盛意不以屬吏之微殷殷垂問乃爲芻蕘可採不憚訪諮誠兩江蒼赤得以披雲見日獲邁雍熙而巖邑屬僚藉以繪圖陳情仰副憂勤此千載一時敢不齋心瀝血痛陳利害籲請具題蠲免無徵賦稅除此瘠土之累以造莫大之福于生生世世也一老荒民屯田無地可墾賦稅無徵之可憫也宜春彈丸小縣接壤楚疆禍遭叛逆以來人民殺戮

最慘田地拋荒最多駐師最久開墾最遲卑縣濫膺民社自康熙十八年十二月二十六日到任之後目覩城市蕭條郊野荆棘賦稅之督責甚嚴徵解之考成莫副無日不張示招徠無日不履畝勸墾查宜春原報荒蕪田地塘共三千二百一十五頃六十三畝三分五釐七毫五絲原報荒蕪屯田四頃六十四畝五分內除十七十八兩年分勸墾過荒蕪民田地塘共二千一百四十四頃五十九畝二分八釐十九年分又勸墾過荒蕪民田地塘共五百三十五頃五十二畝三釐八毫七絲五忽又勸墾過荒蕪屯田二頃三十二畝二分五釐二十

年分實有未開荒蕪民田地塘共五百三十五頃五十二畝三釐八毫七絲五忽除二十年分又經竭力逐鄉逐畝勸墾過民田地塘共四百五十二頃四畝四分六釐四毫七絲五忽又勸墾過屯田五十三畝四分實尙剩有真正老荒民田地塘共八十三頃四十七畝五分七釐四毫又老荒屯田一頃七十八畝八分五釐此老荒民屯田地非逼河干低灘卽近山谷高岸滄桑變遷砂積水推或沉波底或成邱陵耒耜無可以施經制徒存其數從前拖逋荒糧雖當

皇恩屢赦之餘而頻年災被洊至又奉部議荒缺丁糧必令

二十年分至行開墾輸賦其老荒難墾之田缺額無徵之累欲令各鄉之民代爲包賠既所不敢而身任地方出之囊橐又烏能有大爲官民之累此應請題蠲無容緘默不敢不爲直陳者一也一棚民殺逐已空額編丁稅尙在應請除革以清懸欸也宜春麻棚從前賦役未載祇因閩省流民流寓袁陽與楚接壤之界深山窮谷素爲不毛之地流民居久墾開種麻日漸日繁稍有麻利因以流民改爲棚民起編棚丁二千六百八丁戶棚女一千三十口共計編徵丁口銀二百七十六兩三錢五釐因其種麻遂又起編商稅連運脚耗共銀七十七兩六錢二分三釐二毫九絲三忽一微二纖俱附載由單全書之末此棚民丁銀商稅之所由起而相沿成習耳至甲寅年羣逆叛變棚民衆雜乘機生亂荼毒地方焚擄淫殺莫可見聞幸賴

王師進勦始獲殲滅間有一二未盡遺孽又奉各憲嚴示驅逐不許復禍地方迄今種麻之棚荆棘成林種麻之丁一足烏有流民斷不可以復招土民又不諳于耕山此麻棚已廢萬難復興者也麻棚旣無丁稅安出由單之附載銀兩每歲按額催解是無徵之數將從天而墜耶抑更起九泉之白骨而復問之乎此項爲累又難容緘

默不敢不直陳者二也一新增之稅契萬難足解也宜
春民間買賣田房每價一兩納稅三分當承平之時查
歷年所徵所解或數兩或數十兩不等惟以民間之買
賣有無定徵解之多寡其間并無絲毫隱匿舊案可稽
乃忽于二十年分因十九年稅契奏銷徵解獨少奉部
駁增而前藩司王不察宜春山陬僻邑每歲稅契頗定
額徵二百兩以二十年分爲始咨部定額查與縣十九
年分實止徵解過銀一十二兩五分七釐二十年分實
止徵解過銀一十五兩七錢二分一釐八毫以二十年
之徵解計之尙不及十分之一其餘無徵之數徒奉嚴

催究難完解第念稅契一項民間有田房可售而後有
稅銀可納今宜春兵火之後連年災傷廬舍焚燬旣已
殆盡田畝拋棄尙有老荒非惟買賣稀少而逃徙未歸
者尙多空定額稅將何術以作點金之圖此更難容緘
默應請破格咨部以除此擬議之增不敢不直陳者三
也憲臺丹心貫日欲拯此子遺之民出水火而登衽席
所謂一縣有一縣之利弊而宜邑有此三弊若不仰體
慈衷請題

天聰相時釐剔則因循貽害長此安窮卑職非不知

國家之定賦難以請豁然念切痼瘼有同劍膚不敢不因

宜春縣志 卷一
諮詢披瀝仰懇具題倘蒙

蠲豁則宜邑萬姓頂沐仁覆當永永無涯矣再照卑縣因老荒頃畝不敢倉卒又逐鄉逐戶一一確查明白致羈時日又恐鋪遞羈延專差賞役仰候採擇合併聲明爲此具由另具書冊一併具申伏乞照詳施行八月二十日奉批據詳已悉此繳七月二十一日案同前事另文具詳藩司糧道守道府廳各憲爲賦稅缺額無徵官民萬難賠贖已遵督部院諮詢具詳合應報明垂察事七月二十二日案同前事另文具詳撫部院佟爲賦稅之缺額莫徵官民之包賠無計謹再瀝血披陳仰籲題豁以甦邑累以培邦本事八月初六日奉批仰布政司確議速報仍候督部院批示繳

撫憲查議覆詳原文

宜春縣爲賦稅之缺額莫徵等事康熙二十一年九月十六日奉本府正堂于憲票前事本年九月初一日奉江西布政使司憲票前事本年八月初八日奉巡撫都察院佟批據宜春縣申詳荒缺丁田及額徵稅銀萬難足解懇請題豁等緣由奉批仰布政司確議速報仍候督部院批示繳等因奉此合就粘抄行查備票行府查照檄內院批事理文到卽將宜春縣所詳荒缺丁田緣

由立刻查議妥詳申司以憑酌奪回詳撫部院定奪施行毋得遲違等因奉此合就粘抄轉行爲此仰縣官吏查照檄內奉院批事理文到該縣速將所詳荒缺丁田緣由妥確詳府以憑轉詳藩憲酌奪回詳撫部院定奪該縣毋得遲延致煩頻催未便等因奉此該知縣王光烈覆查得立邑賦稅缺額官民難以包賠一案卑縣不敢隱諱據實詳院茲奉檄查議敢不再爲贅陳仰懇垂鑒迅賜詳覆也一老荒爲累一欵宜春荒蕪田畝因吳逆叛亂棚寇繼起人民殺戮田土拋棄水推沙塞將及十載成河灘者崩塌淤沒隨水消長成岸谷者荆棘叢生虎蛇爲穴此原報郡邑荒殘等事案內萬難盡行開墾之數而部駁必令於二十年分全行墾科此官民束手徬徨而無可如何者也今若不分荒熟按額比徵有主者謂納無田之賦無主者勢必照圖均攤屢據各里呈案或孑身而賠數戶之糧或廢女而有里甲之役總因荒田爲累遂致民瘼難堪卑縣身任斯土目擊心傷失此不言豈非曠職一無徵爲累一欵棚民丁稅附載由單禍亂地方殺逐已盡是男婦之丁口旣無而額存之編銀仍在麻棚之種植盡廢由單之商稅尙存今欲廣行招徠復其原業則深山窮谷易於藏奸恐蹈覆轍

於將來苟緘默不吐歲歲賠賦終貽不了將何術以點金一增稅爲累一歛田房稅契舊額無幾乃因部駁而前藩憲不察遂自懸爲擬議增至二百兩若以屢年徵解計之十添其九卽以通省郡邑較之宜春荒僻淒涼應居下下以下下之瘠區承上上之重稅不均之嘆莫甚於此設使民間果有田房相售每兩取稅不過三分有司何難徵解部議何敢悖違其奈頻年以來災祲洊至非惟買賣田房者絕少而拋棄傾頽者頗多再若強之以完增稅情實難堪卑縣三事縈心寢食爲廢民詞紛訴積累盈几憲臺饑溺猶已統轄全袁民隱官累久沐洞燭伏乞概賜繪申俾邀題豁則巖邑蒼赤頂廻天之仁當與海岱同流時矣緣係奉查覆議事理卑職未敢擅便爲此備由另具書冊一併具申伏乞照詳施行

九月二十四日

二十二年二月三十日蒙袁州府正堂于憲票爲賦稅之缺額莫徵等事三月二十四日奉江西布政使司張批據本府申詳該縣荒缺丁田額徵稅銀萬難足解緣由奉批仰候另繳飭行繳奉此合就抄看行知爲此仰縣官吏照票事理文到卽便一體遵照毋違計粘抄看一紙內開本府看得宜春縣知縣王光烈詳陳荒缺丁

田及額徵稅銀萬難足解一案查荒蕪田地一欸原因
甲寅變亂人民被戮逃亾以致田土叢生荆棘後經昇
平殘黎雖已漸歸復業尙不足十之六七至今元氣未
復所荒之田奚能盡爲開墾是以額賦難免不能無包
賠之累也至於田房稅契一欸查袁屬舊額無幾後因
奉部駁查前憲議增稅銀二百兩報部在案然此項實
係無可追徵理宜請豁再查棚民丁稅無徵一欸查棚
民原係流居袁地者後因乘機猖亂盡皆殺戮驅逐無
存然徵稅係附載由單之欸每年奉文催徵在該縣以
考成爲重勢不得不爲全解似此無徵之項歲歲包賠

官民累無底止以上三條均有關於地方民情實政統
乞憲裁俯賜詳具題倘邀

恩豁則宜邑官民頂佩鴻慈不啻世世矣

知縣王先後詳請各憲具題開除殺戮逃絕棚民戶

口原文

宜春縣爲編審爲經國之要務等事康熙二十二年七
月二十四日奉本府正堂加一級于憲牌行縣七月二
十一日奉布政使司張憲牌前事七月初二日奉護理
巡撫卽務布政使張憲牌內開康熙二十二年閏六月
二十七日准戶部咨開江西清吏司案呈奉本部送戶

科抄出該本部覆江撫佟題前事康熙二十二年五月初五日題六月初四日奉

旨該部知道欽此欽遵於本月初五日抄出到部該臣等查得先經江撫佟將康熙二十年分編審人丁屯丁數目造冊具題查舊管丁口二百一十八萬三千四百九十四丁新增丁二十八萬六千二百五十五丁開除丁三十三萬七千三百五十八丁實在丁二百一十三萬二千三百九十一丁等因臣部因新增甚少開除甚多此內恐有不肖地方官員以多報少以有作無徇隱捏飾情弊亦未可定行令該撫嚴加確查務期增編具題之

日再議去後今據該撫佟會同總督于疏稱南昌等二十四州縣各有新增丁口武寧等三十七縣幸未有缺額惟廬陵等十七縣逃絕過多故未能足額除將新增抵補逃絕外止缺五萬三千九百四十一丁實無隱飾等因前來查前項缺丁五萬三千九百四十一丁該撫疏內既稱因十三年變亂以來廬陵等十七縣男婦流亾十倍他邑編審之時哀鴻初集死者不能復生幼者尙在襁褓雖編增實無可編等語此廬陵等十七縣缺少之丁應無容議其冊開南昌等州縣共新增二千八百三十七丁應行該撫每年增於奏銷冊內徵解又查

先二十年奏銷冊內數目編審冊內多五百六丁之處
行該撫查明報部去後今據疏稱鄱陽縣不成丁一千
一百一十丁折爲五百五十丁再加信豐縣永免一丁
合算則合部查之數等語查舊額多開係五百六丁該
撫疏內折算係五百五十六丁仍不符五十丁之處應
行該撫查明報部可也等因康熙二十二年六月二十
五日題閏六月初一日奉

旨依議欽此欽遵抄部送司奉此相應移咨案呈到部擬合
就行爲此咨咨前去查照本部覆奉

旨內事理欽遵施行等因到院准此備牌行司即將南昌等

州縣新增丁二千八百三十七丁遵照部文造入奏銷
冊內徵解其舊額多開丁數卽以鄱陽縣不成之丁折
算仍不符五十丁該司務須確查明白敘詳呈報以憑
覆部等因奉此合就檄行備牌行府查照牌內部覆事
理卽轉行宜春縣遵照併行分萍萬三縣卽將康熙二
十年編審開除殺戮逃缺棚民丁口缺額丁銀於二十
二年減除取具減免過丁口銀數備造均減欸項清冊
里長并無包賠甘給具文申繳以憑查核轉報併造入
奏銷報部查核等因奉此合就轉行爲此仰縣官吏查
照牌內部覆事理文到卽將康熙二十年編審開除殺

戮逃缺棚民丁口缺額丁銀於二十二年減除備具減免過丁口銀數造具均減欸項清冊併取里長并無包賠甘結一樣各五本具文呈飛繳府核明以憑轉繳覆核造入奏銷報部核奪等因到縣奉此卑縣凜遵檄行隨將減免過殺戮逃絕棚民丁口銀二百六十五兩三錢三分六釐八毫并取具里長并無包賠甘結造具清冊一樣各五本申繳憲臺查核俯賜轉繳覆核造入奏銷報部核奪伏乞照驗施行九月二十一日

詳請藩司檄內原單誤開一百零三丁原文

宜春縣爲欽奉

上諭事康熙二十年二月二十六日奉本府正堂于憲票差役龍茂守催前事二月二十四日奉江西布政使司正堂加四級王憲票差役謝文守催前事爲照各屬荒缺奉撫部院密本題報十九年俱足一半奉部覆錢糧照徵久經通飭在案今各屬俱行招足半數惟該府宜春萬載二縣屢催不報殊屬違悖合亟開單催傳爲此仰役前去袁州府守稟府正文到卽刻傳集宜萬二縣查照半徵該報墾田招回丁若干卽刻補冊補結以便彙造報部此係會議坐定十九年足半數自立等轉詳咨達如再刻遲該縣卽親身赴省回覆院司以免本府督

催不力之咎等因到縣奉此遵行間隨據合邑鄉紳潘于達舉人袁一菁袁克昌等貢監袁克生陳舜道等生員潘士丰袁一進劉幼發方直等耆民胡姚祚何文英徐應鵬等呈爲棚逆流毒最慘宜民殺戮堪憐懇詳分晰以全子遺事竊惟宜邑禍源始自異省等縣流氓潛入袁郡耕山種芋聚集日久呼朋引類釀成大患一遇有警則蟻附蜂發一叛于本省金王之變亂再叛于江南海寇之震動至康熙十三年楚氛告警惡遂乘機竊發斬竿豎旗男婦任其殺擄屋宇盡皆灰燼以致丁餉田荒迄幸大兵勦洗餘孽荷蒙各憲驅逐回籍切稽宜

邑因亂原報過殺戮逃絕人丁七千九百七十五丁戶內全逃棚民二千六百八丁除棚丁外共報過殺戮逃絕民丁五千三百六十七丁內除節年招回過民丁四千二百三十七丁實止缺民丁一千一百三十丁必須生聚數年方能湊足今奉藩憲檄行單開少招人丁一千二百三十三丁與原報前數不合卽以全額論尙多民丁一百三十三丁懇乞大父臺俯憐民瘼軫恤殘黎賜文轉詳分晰豁除不致重累地方等情據此該知縣王光烈查得宜邑自康熙十三年原報過殺戮逃絕人丁七千九百七十五丁戶內棚民爲寇大兵勦除元凶之後

奉憲將投誠棚民盡行嚴逐出境實缺棚丁二千六百八丁戶食鹽課五千三百八十七口內棚女一千三十口于康熙十九年春夏二季查取招過人丁案內申報共招回人丁二百七十二丁食鹽課一千四百三口業經足半有餘今奉司檄單開少招人丁一千二百三十三丁少招婦女四百五十五口查宜邑由單附載棚民二千六百八丁戶棚女一千三十口前奉憲檄驅逐無從招補屢經申詳懇乞轉詳題蠲在案除棚民不能招補外實缺民丁二千四百二丁十九年已招一千二百七十二丁除棚女不能招補外十九年已招食鹽課一

千四百二口民丁婦女俱足半有餘今奉前因隨據合邑紳衿耆民等具呈前來除節年招回過民丁四千二百三十七丁止缺民丁一千一百三十丁奉藩憲檄行單開少招人丁一千二百三十三丁與原報前數不合以全額論尙多民丁一百三十三丁合就詳請憲臺垂憐殘疲俯賜銷差轉詳上憲電查原報併招回缺少丁數俯將單開多丁一百三十三丁銷除則合邑頂祝感戴於無窮矣爲此具由另具書冊一併具申伏乞照詳施行三月十一日蒙本府批仰候轉詳繳

奉撫院藩司駁查先後報丁錯誤原案

江西等處承宣布政使司署布政司事按察使司按察使柯爲編審爲經國之要務等事康熙二十一年六月二十六日奉巡撫都察院佟憲牌內開據該司驗繳南昌袁州二府編審底冊到院據此除南昌底冊核明外惟查袁州府宜春縣棚民丁戶前江右荒缺等事案內開報缺棚民人丁二千五百五丁今查底冊內又開原棚民人丁二千六百八丁俱行全缺雖云府縣詳明盡行驅逐無從招補但驅逐在十七年以前報明荒缺在十七年以後何以前冊缺數反少今報缺數反多合檄發查備票行司即將發下南昌袁州二府底冊該司一

面繕正其宜春縣冊開棚民戶丁與荒缺冊內所報不符有無違碍該司查明回報以憑核奪等因奉此爲照該縣編審丁冊前據申繳總括冊開附載棚民二千六百八丁食鹽課一千三十口登明盡行驅逐緣由業經據數彙造底冊呈繳撫院核發繕正具題去後隨奉院繳駁查前因合亟嚴查改造爲此仰縣官吏查照牌內至緊事理卽刻查明棚民丁口與原報荒缺案內缺數相符將原棚民二千六百八丁招徠實在人丁一百三十三丁應徵銀若干實缺棚民二千五百五丁原棚民婦女一千三十口內招徠實在婦女若干口應徵銀若干審

增抵補實缺棚民婦女若干口以符荒缺之案責令經
承漏夜改造確數總散清冊賞司立等回詳撫都院核
奪以憑彙冊轉繳具題送部事干至急八月進呈之限
已屆文到卽造冊報務于八月初十日以前到司毋得
刻遲致干違限揭叅未便二十一年八月初三日司行
前志原按宜春丁口經殺戮逃亾之後全缺棚丁二
千六百八丁實缺民丁五千三百六十七丁後節年
招回民丁至十九年連民丁棚丁共缺五千零一十
丁棚丁管二千六百八丁本縣民丁管二千四百二
丁是年

俞旨丁糧半徵藩憲將五千零十丁拆分一半二千五百
五丁完納餘一半二千五百五丁作荒缺是遺漏棚
民一百零三丁在本縣民丁內矣後編審文內又申
載棚丁原額二千六百八丁撫憲駁稱前荒缺案內
報缺棚民人丁二千五百五丁今查底冊內又開原
棚民人丁二千六百八丁俱行全缺雖云府縣詳明
盡行驅逐無從招補但驅逐在十七年以前報明荒
缺在十七年以後何以前冊缺數反少今報冊缺數
反多蓋前冊缺數因未曾分別民丁缺二千四百二
丁棚丁全缺二千六百八丁概將共缺五千零十丁

分拆一半二千五百五丁故棚丁缺數遺落棚民一百三丁在宜民丁內其實棚戶原額二千六百零八丁節年由單可查則是前報之誤故少後報之實非多也識者詳之或可爲後詳張本焉

前志又按宜無所爲棚民也以彼儻地耕山因名之非我族類要皆係閩狡不根流寓鄰省諸治山谷間藝麻爲業宜壤接三楚林谷幽僻故多託焉萬歷末始至宜初寥寥散處冬歸春集迄崇正實繁有徒羣萃蓬處形連勢貫接藪他治依倚爲奸時知府田有年紀綱風厲多智勇饒方畧鑑吉永豐永新永寧諸

邑山寇竊發因簡士訓卒除戎器以戒不虞爰下令亟驅之中阻弗克每動色示衆曰若輩贖貨基禍如怡堂燕雀將自焚也識者趨之查郡志原載巡撫都御史邵廷佐疏爲請設專理之官以安雜處之民其畧曰袁州郡縣界連楚粵崎嶇險峻延袤皆山內有

三關

即薦裏萬外石裏化地等鄉

九隘

即化南石外信義等鄉

環谿峭壁昔

爲閩廣之交誅茆而處鑿山種麻乃作息既久雜處益衆遂爾恃險作姦官司緝捕俱莫敢問逮明末棚長邱仰寰等結連天井竊盜黨攻城劫邑幾費勦除定鼎之初此輩復揭竿負固及金逆叛變又有棚民容長

朱益吾李仲所等僞稱軍門總兵乘機竊發百計搜
勦而李仲所竄回原籍朱益吾深藏不出近復匿賊
王球德蟻聚為非臣察知既稔隨密檄守西道田厥
茂商酌撫勦運籌指示幸頑梗之衆翕然稽首各編
鄉甲造冊入籍計張東陽等凡二千四百四十三戶
男婦共四千五百三十六丁口編入宜分萍萬四縣
民籍歲納丁徭永輸

國賦而朱益吾亦隨臣宣諭自出投誠且誓圖球德以
自贖此則我

皇上懷來之德意無頑不革然以數十年梗化不馴之地
兵革所不能加乃以編上片言呼而致之宇下遽為
版圖增此二千四百有餘戶者守西道田厥茂戢安
之功不可泯也但此輩向踞深山鷹眼初化非專官
彈壓無以攝其將來今議以袁州府同知移駐其地
不時稽察是官不煩再設而戶自可日增銷萌善後
計莫便於此矣部覆得

旨於是宜春縣知縣議軍廳建立在北社地方按北社離
三關稍遠又係社基新庚地狹人少惟竹亭實係關
內地寬衍而勢扼要可建立以資彈壓遂卜日鳩工
軍廳移竹亭焉據此計自順治十三年編附宜春此

棚民戶口之所由始也迨康熙十三年楚氛告警朱益吾王乃忠等復乘勢竊發淮揚焚殺殆墟郡邑各戡察冥頑之叛復不常也其毒此一方相為終始滅此朝食以寧我土宇全我版章請兵撲滅糜其糈火其枯芟其樹俛罔所憑陵而元惡巨憝次第授首其一二餘孽盡驅回籍嗚呼棚惡之禍宜者烈其自禍亦烈未已也棚惡往矣彼前此戶口之附宜版者不猶累宜民乎幸康熙二十年期屆編審邑侯王光烈為民請命詳鱣具題奉部除豁在案根株乃拔此棚民戶口之所由除也爰署本末附先後疏詳之尾以

識之

禁革報克衙役公呈 附

袁州府屬舉貢生員里民林鳴鵠袁振錄等為吏役之報克相沿良民之躲閃無路懇恩俯賜金批勒石嚴禁以垂久遠事竊惟編氓効易使之義先得其心庶人有在官之條各聽其便從未有強民以所不欲迫民以所不堪如袁州郡廳縣捕各衙門之報克吏役者也蓋克役為各郡之所同而報役乃袁郡之所獨袁民素安朴實讀書務農恪守常業其餘游手之輩自願以身屬官樂奉使令者亦不乏人獨至報克之令一下則除仕宦

故族之外皆裹足而立惴惴乎不能倖免挾仇者得假手以洩其憤射利者得乘機以飽其欲姓名暗投於當道追呼慘及於窮簷或以一身之苦而累及八口或以一日之害而誤及終生甚且有讀書與考勵志上進之士遭此而半途輒廢者此時將進而入官則硃價酒食之費不下七八十金退而求免則夤緣補苴之需亦大較相等在衣食稍裕之家尚可竭蹶敷衍而窮困之民進退無路稱貸無門遂至鬻男賣女懸梁服毒而不暇自顧陋習之害莫甚於此欣逢憲臺大老爺風行江右德洽山陬三載以來固已無利不興無害不除在目前

良有司奉法維謹特恐日後陋習踵行終為長遠之累為此籲稟憲臺懇乞憐偏隅之小郡蘊積久之沉痾此行郡縣各衙門勒石永禁為袁陽黎庶造數千百年之福將世世啣結於弗諼矣康熙五十八年七月進奉巡撫都察院白批衙役應召募願克者著役何得勒令報克致滋擾累仰布政司通飭各屬一體嚴禁并取遵依碑摹報查繳隨奉通行各縣勒石禁革宜春縣立碑在府學儀門

奉憲禁革派累勒索碑附

宜春縣里民鄧聶羅邱廷四萬楊劉彭鍾曹劉羅彭為

沐賞飭禁事雍正六年奉部頒行禁免獵戶免鹿陳設
祭祀動支經費平價購買惟府縣兩學春秋祭祀仍拘
蟻等農民承力牛隻并祭先農壇每年需牛五隻且有
鋪班等費蟻等累歎今乾隆二年春秋輪值萬文世戶
萬世興承力獨難累賠欣逢署袁州府正堂南康清軍
移駐吳城彈壓湖防總捕分府胡憐民赤子釐奸剔弊
以二月內呈詞稟府主奉批祭祀大典自有經費銀
兩動支備辦何故派累小民且當官久奉嚴禁無得止
發官價并有使費等弊仰宜春縣查禁速報隨訴縣爺
雖批查禁仍行派累續經府憲批仰宜春縣速查禁革

毋再派累致干察究縣未詳禁亟控臬憲又批仰袁州
府確查報府催縣詳覆奉府批如詳飭學禁革嗣後毋
得派累倘有仍蹈前轍定干詳揭請叅府行到縣查明
禁革派累併究衙役勒索情弊復蒙縣主訊明詳覆又
奉新任袁州府正堂程仁愛黎庶詳請臬憲禁革在案
若不勒石永禁恐後日久弊生爲此立碑垂久感戴洪
恩千載不朽須至碑者乾隆二年八月日建立嗣因原
碑倒廢于乾隆二十八年二月日稟明署宜春縣正堂
高奉批如稟勒石永禁碑摹附卷爲此照舊勒石以垂
不朽須至碑者

詳奉撫憲批允雇夫定價碑附

宜春縣知縣郭爲乞全原禁等事據縣民潘宏仕以挖毀禁碑等情上控前撫憲明批府查報嗣據續控巡撫部院輔批司行府檄縣經本縣查議具詳後奉前署布政使司廖批飭蒙署本府正堂王審詳宜邑差使過境需夫供應在所時有該縣額設站夫僅止十二名若遇差使臨境用夫至數百名之多郡城不敷雇募不得不雇鄉夫但濫派里民久經例禁茲訊因前縣郭人傑發價不敷致鄉民逡巡不前以爲苦累今現任郭令每名每日增至八分已無偏累之苦似與濫派者不同應請俯如所請嗣後該縣地方需夫百名以內仍於郡城雇募需夫百名以外及數百名者照議每名每日給銀八分按名發給不得票差滋擾如有違例派累及短發價銀許各夫赴上司衙門據實控告所有原立禁碑係康熙年間禁革謄錄帑費以及北布名色縣民馮盛一等因年久傾圮具呈署縣高尙禮批准重立另於碑頭鐫刻永禁雇募鄉夫數字該縣郭令抵任慮及將來差使過多郡城夫棚不敷雇覓辦理恐致掣肘見碑文所載均係舊時陋規現在并無此等名色稟明沈前守批飭將碑挖毀應請以此次詳奉批允之日令該縣捐貲暨

將碑挖毀應請以此次詳奉批允之日令該縣捐貲暨

碑以垂久遠仍取碑摹呈送等因申詳前署藩憲覆核轉詳奉巡撫部院輔批均如詳轉飭遵照仍飭不得再有藉雇鄉夫名色濫差勒派致干察叅繳原詞存合行勒石遵照乾隆二十九年十二月次年閏二月署宜春縣正堂金谿縣左堂惠捐廉購石刻鐫嘉慶十三年閏五月重立

宜春縣志卷十一

風俗志

風俗隨氣運爲轉移氣運與政治爲升降故謹好惡化偏頗可得與民變革者也宜春山氣渾厚其俗民勤稼穡士習詩書安土重遷服賈者鮮賦稅早完守分循法此大概可紀者至漸仁摩義以臻醇古之風在守土者善教化耳志風俗

士習

晉書云誦誦爲業士尚氣節 晉傳云人士並好經學諷誦之聲有若齊魯 羅誘序云山高水清好尚儒術有豪

傑之士 杜氏通典云藝文儒術為盛 黃庭堅道院賦云士夫秀而文 阮閱無訟堂記云士力學知廉耻 張九成袁州學記云儒風之盛甲於江右 黃幹云故家遺俗皆知尚氣節畏清議 張栻記云士人好恬靜勵廉隅布衣蔬食不入公府終歲不至長吏之庭 府志云童子入學忌閏年塾師起幾謂之經館訓蒙謂之雜館起以正月盡間端節散學或七月秋杪罷館至十月另延師謂之冬館

民風

隋地理志云江南火耕水耨食魚與稻以漁獵為業雖無

蓄積亦無饑餒 輿地志云事簡民淳 寰宇記云風土爽塏山川特秀家給人足多尚黃老清淨之教重於隱遁有徐孺子遺風與隆興吉州同 韓愈謝表云賦稅及時閭里無事 汪應辰序云土俗愿樸 黃庭堅道院賦云細民儉而健 阮閱無訟堂記云民樂耕好儉嗇 嚴嵩修城記云土沃無外慕則淫巧不作故鮮為盜長吏撫循誨誘治以禮義故常易使而事有成 府志云性習質樸士厭刑名術數之學民鮮商販之業土瘠民貧雖饑寒重去其鄉自耕讀外無他藝能 郡人重譜牒無數十年不修者同姓異宗必嚴辨之且有同宗而異譜者不妄援達

官不輕錄養子 丈夫初舉子卽日以鷄酒饋外家謂之
報庚外家以豬羊襁襪衣被來謂之做三朝受賀宴客先
上三牲酒醴於家廟告以生月日時及乳名焚楮錢謂之
燒三朝是日用香湯浴兒煮鷄子以蘇木汁相餉謂之洗
三朝 歲首鷄初鳴中堂設香案開門出行外向拜天神
內向拜祖先訖尊卑以次拜賀日出往來交拜如織謂之
賀歲 人日俗呼上七日食羹湯糍果 正月十五日將
除夕紙束供神之米作窩糍十二簽載月分蒸熟撒糍窩
水色以占每月雨水多寡輒應或有張三花燈于竈內釜
內注水用木杓旋遶方向以覘響卜者 上元自十二三

日至十六日家廟市肆皆張燈扮燈鼓吹入人家必有采
錢謂之代蠟十五夜靜女婦然燈鍋內迎紫姑神又呼竈
姬姑姑問生育及休咎頗驗有未得子之家族人送菜園
門於房內燒之主家畱飲生子日致謝 清明時具牲醪
紙錢掃墓惟新墳祭掃無得過社日 端午以艾菖蒲懸
門楣啖角黍飲雄黃酒謂之解毒食螺鱗謂之鑽龔童子
鬪百草醫者採百藥舟人競渡爲戲觀者如堵 七夕婦
女無乞巧會惟日午以絲穿鍼 中元祀先祖十三十五
夜焚冥資楮衣另以十五夜焚楮錢裊裊謂之燒無名衣
甥婿每歲務以肉果冥錢送外家之已故者必至甥死乃

已僧寺多設盂蘭會 中秋以月餅相饋遺夜具果餅賞
月兒童燒瓦墪用冬青樹枝繫楮條焰火爲楊梅燈束藁
然香爲火龍燈戲 重陽登高惟士大夫有之人家多作
粉糕效登高之意 臘月二十四日爲小年掃屋塵用米
實餈糖豆腐及齋供祭竈俗云糖粘竈神口慮其奏人過
失也 除日換桃符貼春聯福字及楮畫門神綵錢薦家
廟團圓讌集謂之團年飯又謂之喫公婆飯夜守歲達旦
兒童各給青錢繫身謂之壓歲錢金鼓爆竹之聲比屋相
聞

農事

嚴嵩修城記云民樂於耕耨以自足果蔬魚稻不出境而
得之 府志云昔多曠土嗣生齒漸繁墾田日廣要止耕
平地自閩廣人至男婦并耕高岡峭壁視土所宜漆麻薑
芋之利日益滋饒土人効其力作頗多樹藝 播種者及
時恐後至二月浸種有攔社種清明種之名三四月栽插
禾秧是時男婦雞鳴起日三飯食鮮魚肉雞蛋婦具酒果
往饁田間四五月芸耨不輟六月間收割炎暑不避一年
勞苦莫此爲甚早穀登場復勤事於晚禾禾種頗多及時
次第樹藝重陽後平田收穫皆盡農工畧緩空田多種藁
臺萊菔及大小麥蕎麥等物十一月預犁冬田以待來年

女功

府志云村婦之勞甚於男子井曰無餘閒當耕作時雞鳴起治中饋日中饁餉夜業麻桌雖士夫之婦多手自紡績縫紉罕有寺觀之遊

工役

俗呼工爲匠人如木工則曰木匠亦曰剝師且有掌墨二墨之分卽泥匠亦然織布者爲織匠裁衣者爲縫匠櫛工曰剃頭匠從前多雇外處人近則多係本處至服役之人自雇工耕種肩挑稱長年零工外其乘輿投帖各事若非奴僕及雇外處人差使本地人皆耻爲之

商賈

風俗志云重去其鄉不習商賈業 鈐山堂集懸車堂記云其人力田勤生粳稻魚筍果蔬之利足以自資故重違其鄉溪瀨湍急大舟不得進四方工巧奇靡之貨不至其民不見可欲土俗愿樸鮮澆僞囂獷之習

飲食

米有精粗之別貧者固嘗食麤糲卽富貴家亦多以此風氣儉約然也雞鴨魚豕之屬不時需用亦取之甚便至珍饈海錯原非土產非貴客至則不數設

衣服

婦人不知養蠶其布帛則以棉花苧麻貧者固易以被體
卽富貴之家亦喜以此禦寒自昔山土多樹此二種後以
薯芋可資口腹種者稍少間或購取于外至綾羅綢緞卽
江西亦向外省購取不但宜邑

婚禮

府志云問名納采豐儉稱家納吉謂之下聘蒲節及歲杪
各饋遺一次謂之大勞節卽古納徵意成婚前一日男宴
媒氏綵輿迎道詰朝女繡帕蒙頭升輿男不親迎女到門
割雞灑血曰斷煞擇夫婦元配多子孫者揭輿窳男女交
拜訖入洞房庭宴客夜飲酒半擇賓撚花燭賓讚送新郎

入房合卺曰交杯擇賓立高處手撒五穀果食曰撒帳賓
朋歌舞房中日鬧房次日婿冠婦帔出拜祖先卽古廟見
遺意次拜翁姑尊長及諸長姻親禮畢遞果品傳茶謂之
拜茶卽宴女賓亦然婿至外家曰過門外家隆禮設宴以
迎曰接新客 聘缺六禮童時迎歸者謂之童養媳及長
告知二姓族親始成婚先是男女以兄妹相呼女稱翁姑
曰父母

喪禮

府志云人始死治殯具擇殯期殮畢日三哭三奠葬無常
期惟聽日者言弔日亦無常期擇日致訃曰開香主人當

宜春縣志 卷十一
席謝弔三年服闋延僧巫建醮焚紙馬靈牀日除靈貧者
多竭蹶士大夫家今多從家禮黜僧巫者與俗不同

祭禮

府志云諸大姓皆有祠祠有祭田祭期率以清明冬至或
中元節及臘底小年日族人咸聚尊卑長幼珥然亦有非
紳士不得與執事者主祭或用族長名以子弟代行禮或
以達者主之受胙頽胙如儀祭畢合族燕飲其不合禮者
百世以下有祀無祧宗族皆有會田謂之公堂田有滋息
至百千畝者讀書者給膏火歲科鄉會試厚資助之荒年
量所收計戶分穀以勵讀書養貧乏

歌謠

爲人莫犯法犯法身無主 福至心靈禍至心愚時至氣
化 若要寬先了官 貧無種富無根勤儉生富貴 會
打官方也要錢爭得荒山賣水田 當路不栽荆棘芳他
年免挂子孫衣 簷前水點點滴 天眼恢恢絲兒不漏
害人終害己 窮莫離豬富莫離書 無錢氣死英雄漢
有錢使得鬼推磨財能長志錢可通神 忠厚人家耐久
長好訟人家必遭殃 善惡到頭終有報惡人須用惡人
磨 若要好問三老薑老一日辣 與人方便自己方便
嫖賭噍搖家業蕭條 求人不如求己 有志者事竟成

好兒不檢公爺田好女不穿嫁飾衣 會揀郎揀郎裝不
會揀者揀田庄 年年防饑夜夜防盜 養女知得娘辛
苦養兒報得父母恩 若要富深山砌野墓 通志云袁
州更鼓瑞州春

祈禳

當春社日田家皆具雞牲酒果往祭秋社祭亦如之謂爲
春祈秋報 城市村墟神廟凡商販工匠人等每至春月
或神誕日釀錢演戲以祈一年生理 病者多往神廟許
愿至病愈後如所許酌還謂之還愿 蝗蟲害稼則束稻
成龍象至晚然綫香插其上擊鼓鳴金遶塍壟間謂之迎

火龍 保六畜瘟疫多演傀儡戲俗謂之楊戲

氣候

府志云風氣茂密水土和平無瘴癘之害其物辨原隰候
別城鄉多其種以備之雖遇水旱蟲蠹不至大無年煖多
寒少氣洩鮮凝或經冬鮮雪晴久更溫暖桃梨重華蜂蝶
不時出皆不爲異聞諸故老多耐寒儉有卒歲未更苧服
者今則羔袖狐裘衣裳楚楚甚或衣童子裘帛習尙滋華
非僅禦寒之取 歲春三月多雨水正二月寒氣尤甚諺
云清明斷霜社斷雪自是漸就融暖然溫冷不常單袷重
絲交迭進用春杪夏初間必有餘寒謂之栽禾寒至端陽

寒衣方可度閣四五月間梅將熟晴雨不時地氣蒸濕柱石皆潤俗稱爛梅一作霧天靈雹漲潦之患多在此時立夏

逢庚而入苾種逢壬而出五月以後雨分馬跡俗名二十

日為分龍一云夏至後逢辰以其日覘各地雨澤又有夏

九郎到九郎之占伏後炎歊多晴少雨故五月為冤家雨

六月為黃金雨此時早稼穎粟入秋登場七月日尤燥烈

俗呼秋老虎云立秋後有二十四日八月暑漸平天陰晴畧半名為

朝拜天又云愁八天云有八日夜間薄寒為凍桂花凍則木樨香放

九月天氣最宜人重九菊開多及時有重陽無雨一冬晴

之占霜降節日屬木火多晴屬金土多陰屬水多雨在十

月以雙日降為順初一日早有霜十六日早亦然為一斤

霜此來年豐熟霜順則晴而暖故此月稱小陽春雪必以

冬至後或在春間將雪必先有霰嚴風鑽隙同雲若霽為

開雪眼俄而積素堆瓊滿空玉界寒甚則檐雷間悉成冰

筋益益皆凝然衾織衣被猶未若霜晨為最凜四季間有

朝霧有霧晴冬視霜為勝負蝕霜則雨

方言

府志云父曰爸爸亦曰爺爺或稱爹爹母曰吾媽曰孃兒

曰姪仔又曰佬牙或牙兒婿曰門郎統稱曰姐夫曰姑丈

婿稱外父母曰丈人爺丈人孃兄弟相稱皆冠以老從子

亦曰老孫新婦曰嫂姑呼媳曰新人姑曰吾媽亦曰婆婆
旁人對媳稱姑曰家婆稱伯叔舅姑曰伯公叔公伯婆叔
婆奴婢隨嫁而來者稱主曰姑爺姑娘雞蛋曰假假角黍
曰粽子呼人稱你或呼衡西路呼已間呼頗從旁指人或
呼閉蓋近萍鄉之故

宜春縣志卷十二

土產志

土宜之法以辨物生任土作貢因其地產宜爲山邑雖
無珍奇玩好然稼穡爲寶其穀宜稻若山林藪澤漆泉
締紵之所生金木竹箭之所取有裨國用有益民生今
卽其可指名者著於篇志土產

穀之屬有占穀

以得種於占城而名紅白二種有五十日
占名五月早又名救工饑熟最早有六十

日占八十月占百日占又有大占鬚占贛州早團穀早
膏腴之地歲再熟俗名二禾六月時熟九月收穫皮薄
而粒長軟美宜人晚稻熟最遲田宜隰亦有赤白二種
自者爲觀音秬亦曰八月白赤而遲者爲冬占亦曰硬
頭紅又曰硬頭紅邑之西南劉家坊等處出香米粒長
而色白與觀音秬無異而香軟過之名香米占又名鐵

脚占又有旱種**糯穀**稻之黏者同秠可為酒製醃餅間用穀陸地可種**糯穀**之早種以七月熟晚種以十月熟晚種為佳其名有黃白麻壳糯矮脚糯燕口糯鴨婆糯重陽糯子紅糯惟種子糯視他種得酒較多

麥之屬有大麥有兩種穀麥可芽亦可羹**小麥**只一種可最廣九十月種四月登其花**蕎麥**幹赤花紅白相間秋以夜與北方異久服不宜人**蕎麥**種冬收亦有春種夏收**苦蕎**種自閩廣味苦者性涼其實最繁

粟之屬有占粟 糯粟 黍子粟 草子粟 鷹爪粟

鴨脚粟 龍掌粟 高粱粟

菽之屬有黃豆 黑豆 青豆 早豆皮肉皆綠茶點用之謂之茶豆**早豆**名六月爆

小晚豆經霜葉落粒大**紅豆 綠豆 豌豆 泥豆**

蛾眉豆 刀豆以上皆取山間及隙地種之**蠶豆**隔年種四月收與蠶同熟故名

泉之屬有苧山園皆有之歲可三刈四五月刈者曰頭水二番三番以次而減山產者不及園產之肥而宜春為尤勝高者五尺江廣間織綢綾紗有黃白緞多雜以苧非宜產不中選故價倍他邑**絹**有黃白二色

棉花古貝草也**葛 兼葛 火麻**

蔬之屬有薑產彬江者良**菘**即白菜花有紫白二種土人多種沸湯中令半熟名辣菜曝乾漬以鹽為鹽菜**芥**大葉芥清明時取芥心置

一各空心菜有**韭**有水晶蔥四**蒜** **薤** **藟** **藟**似蔥藤藟子藟二種**葱** 季蔥火蔥

莖有**蕘蓮** **菱筍**即菰**黃芽菜** **薯蕷**一作藟紅白二稜**薯蕷**種有佛掌脚板

等名又有番薯種自番馬故名生熟皆可**蒿苳**菜心抽食又可為粉為酒農家藉此以為助歲計**蒿苳** 菜心抽或糟食**茵蔯**即胡**菠菜**根紅味甘滑久**甜菜** **豆角**即豆名蒿苳

茄 芋即蹲鴟大為**莧**有紅白二種忌同甞食有冬莧魁小為子**雪莧**藤莧馬齒莧無根莧因種

土產

無根石耳一名石芝玉板筍與閩產筍春冬二種蕨搗其根

蘿蔔種紅而小者即胡蘿蔔油菜即雲臺子蔓粟菜花

最多其實如頂子匏有柄者曰懸匏百合絲花苦蕒商

蒿暖菰和糯米中可為餼餌辣椒有牛角椒燈籠

蔬之屬有南瓜一名金瓜甜瓜東瓜對西瓜而言則曰筍瓜

宜醬舊志黃瓜即胡瓜張騫西域得種故名俗以絲瓜

芳瓜地王瓜苦瓜

果之屬有桃李梅杏梅杏桃銀杏俗名白果楊梅

王荆公送袁州使君曹伯玉詩云濕石櫛梨棗

栗小者曰柿似柿而青枇杷橙橘香櫟類橙而

圓而香柑金橘實小而金色茨木瓜鳧茨即茨菰

與勃薺同類西瓜蓮蓬蓮子菱角藕雞頭佛

手柑拳曲臃腫較閩產不同本名

木之屬有松梓柏桺柏李衛公桺楮性堅不凋

有麵儲即甜儲俗名圓儲苦儲子粒楠筆樹楠見平

大木文粒俗名血儲色黑者名鐵儲柟性堅可梧桐子可榆樟檀黃白

檜椿槐柘黃楊楸欄俗名茶子可櫟子可

桐櫟羅漢松烏柏取油冬青山棗金絲柘

楓杞桑香萹圖杉葉似杉棧栗性蒙勾栗見

泉葦牛筋木無皮黃荆稚子金荆見平泉阜莢其實有

記土產

種短名
肥阜

竹之屬有筍竹筍美根多竹苦竹夏筍味苦斑竹 其竹 方

竹出仰義竹 淡竹 烟竹 篁竹 紫竹 綠竹

毛竹 菰竹可為箭實竹可為筆管慈竹 天竹 貓竹大可編屋

嫩者以作紙白竹可為簞石竹 扁竹 棲鳳竹

花之屬有牡丹 芍藥 蘭有春蘭夏蘭秋蘭冬蘭冬蘭葉大花紅西番蓮

山礬 木蓮即辛夷一名木筆紅白二色雪柳 真珠花 水仙花

月月紅 觀音蓮 茉莉 棠棣 珍珠蘭 仙人掌

玉香毬 錦被堆 山丹 檉桐桂有黃白丹三色含笑

芙蓉 櫻桃 蜀葵 玉蕊 海棠 蓮 金鳳 雞

冠 山茶 剪羅紅 秋牡丹 紅蛺蝶 菊 荼蘼

綠萼 錦帶 一丈紅 梔子實可為藥花為薝蔔四時桂 千

葉石榴 紫薇 木樨 躑躅一名杜鵑俗名映山紅月季 薔

薇 紫荊 碧桃 狀元紅

草之屬有芭蕉 龍鬚草名縉雲草可為蓆與虎鬚草為二種虎鬚即燈心草一名碧玉

草取瓢為燈炷以草織蓆瑞草出仰鳳尾草 艾萱 菖蒲 藍耕山

者種以作龍莎 吉祥草 萍 蓼

藥之屬有黃精出仰黃蘗 香附子即莎草根山藥 荊芥

檣杞根名地骨皮香薷 天門冬 麥門冬 葛根 瓜蒌

根名天花粉菖蒲 山查 稀莨 蛇床子 紫金藤 蒼

耳子 楮實子 石楠 白芨 白蕨 木通 烏藥

何首烏 白扁豆 劉寄奴 厚薄 薄荷 金沸草

一名旋覆花 天南星 益母草 山梔子 薏苡仁 紫蘇

地黃 茴香 青木香 茵陳 青皮 牽牛 紅花

半夏 赭石 白楊皮 五倍子 夏枯草 川芎

元參 乾薑 貫衆 天花粉 甘菊花 葶藶 治產難出

肉中刺 芣苢 車前子 薄公英 寄生草 草決明

澤蘭 金櫻子 威靈仙 木賊 蒺藜 白朮 出古廟江

南估客多販鷺 大青藥 土人參 海金沙 茯苓 金銀花

青箱子 密蒙 赤芍 白芍 山薑 碧百合 二物俱見

平泉莊記

毛之屬有牛 另有一種大者為水牛以性喜水故名 馬 騾 驢 豕 犬

貓 虎 鹿 熊 山羊 山牛 野豬 大者數百斤能傷人

豪猪 豪如箭長五六寸激以射人以上今皆罕見 麀 麂 兔 猿猴 白

猴 金絲猴 出大平山每啼有佳客至 玉面狸 膚理至腴 獺 狐獾 狗獾

野貓 鼠 在山者為之山鼠澤為水鼠又有種在山黃色者其毛可為筆

羽之屬有鵝 鴨 洋鴨 有紅冠 雞 絨毛雞 墨冠綠耳墨骨其脚墨色

四五六指不等 鴿 鶴 鶯鵲 似鴿色青頂為紅 山鳳凰 李衛公有賦一為錦雞

鷓鴣 鴈 鴉 啄木 練雀 鶯 一名倉庚 山鷓 鷓鴣

鄭谷有詩 白鷗 黃雀 鷓鴣 鸚鵡 有乾鸚鵡鳥鸚喜鸚數種 布穀

燕 白頭 春鋤 伯勞 灰鶴 蠟紫 翡翠 畫

雀 百舌鷹 鴛鴦 鷓鴣 杜宇 茅鷄 竹鷄

野鷄 本名雉 魚虎 鶴鴒 提葫蘆 以其自呼名 嘉賓 山麻

雀 半天雷 其飛霎時冲上數十丈高即墮隨冲曷旦 王睢 鷓

桐花駟 鶻 即鳥 鳩 鷓 禾鷄 鳧 俗名水鴨 鳥 鶯

沙和尚 大如竹鷄灰紅色項綠色 鸚鵡 王虛中名為八

八哥端午剔其舌教以語言甚慧

鱗之屬有鯉 小而金色 禹鯉 鮪俗名鯉而細鱗也 鮪 鮪也 鮪

鮪 鮪也細鱗縮項潤 鱖 鱖也細鱗縮項潤 鱖 鱖 鱖 鱖 鱖 鱖 鱖 鱖 鱖 鱖

鮪 比目 靈泉池有 鱖 鱖 鱖 鱖 鱖 鱖 鱖 鱖 鱖 鱖

春子魚 黃姑魚 鯪魚 白如銀

介之屬有鱗鯉甲 一名穿山甲 蚌 螺 蚌 龜 鼈 蝟

土鼈 螃螬 蝦 小曰米蝦大曰木蝦

蟲之屬有蠶 土人種桑養蠶者少養之只取其繭為柱臺中物不解緣織 蟬 蟻 蜂

蜜蜂 蝦蟇 即蛙 蝌蚪 遇大雷雨脫 蝴蝶 蜘蛛 蜈蚣

性畏蜻蜒 蚱蜢 螳螂 蛟 蠅 虎 蟋蟀 螟蛉

蜉蝣 蝙蝠 俗名鹽鼠 蛇 其種不一 蜥蜴 蚯蚓 時行瘟疫去泥研碎沃水

食之凡用須制以鹽

金石之屬有鐵 唐書地理志虔州安遠袁州袁州有鐵坑

貨之屬有棉布 苧布 葛布 較西山會昌茶 茶譜云袁

名其著後稱仰山稠平木平者為佳稠平尤稱絕品毛

文勝茶譜云其葉則稱綠英金片陸羽茶經云江南袁

州茶往往得之 茶油 桐油 漆 宜春稍多賈人以達

味極佳近無 漆建 漆等 棕毛 白蠟 木炭 石炭 此為生又有一種銅

炭質黑而具金黃色堅固莫倫名曰山礬俗呼為銅鼓

此則不可炊爨者清江志明時土人市銅炭於袁煉成

礬分青紅二種俗呼紅 蜜 竹紙 表心紙 火紙

者為礬紅青者曰青礬 皮紙 有厚至數重者土人以之 小簾紙 出仰山古廟其

以摹 夾板紙 鹽紙 用蔴搗成 蓆 有草蓆龍鬚草蓆台壁

蓆今則未 土硃 靛

闡此名